

أسارځب ن یشو لمسیح إ یوحانا

ثامزواروټ

1 أسارځاب ن یشو لمسیح إ د اس اوشا آرټی، حیما اذ ایشنن إ اسمغان نس مین ا غا افسارن ذغیا وُشا اِسارځب اټ اَم ټ اِسک خ وُفوس ن لمالاک نس ا اِسْمغ نس یوحانا. ² وانیثا اِشھذ مارا مین اِټرا زځ واورن آرټی وُزا زي شھاذث ن یشو لمسیح، ³ سَعذ ن وني اِقارن ذ ینی اِسنزان اوازن ن وُکشاف-ا وُشا اذ طفن ذی مین ذایس اِتوارین. اقا زوقث ټیوض-د.

أسدچم س بیسم ن وني اِدچان ذ وني ټوغا ذ وني ا د غا یاسن یوحانا، ا سبعا ن ټمسْمونین ذی اسیبا: نیعمټ اکیذوم ذ زھنا زځ وني اِدچان ذ وني ټوغا ذ وني ا د غا یاسن وُزا زي سبعا ن اُروحات اِني اِدچان زات اِرعارش نس، ټوُزي یشو لمسیح، اَشھاذ اَصْدیق، اَمنزو زځ اِمتینن ذ اَمقران ن اِجدچیدن ن ټمورث، وني ا ذ انغ اِحسن وُشا ا ذ انغ اِفکن زي دَنوب نغ س اِدامن نس. ⁶ اقا یار انغ ذ اِجدچیدن ذ اِکھانن غار آرټی باباس، ا نټا اذ غارس بیزي وُعودچي ذ صولطا ا زبدا قاع. امین! ⁷ خزار، نټا اذ د یاس اَک-ذ اِسینون، کور ټیط اذ ټ ټرار، وُزا زا ذ اِني اټ اِسټوقبن. مارا ټیقباژ ن ټونیت اذ خاس وُنتت اِیجدور. واه، امین! ⁸ نش ذ اَلفا ذ وُمکا اِقار سیبذی آرټی ذ وني اِدچان ذ وني ټوغا ذ وني ا د غا یاسن ذ اَمزمار خ مارا مین اِدچان.

بِدون زوچیی ن آرټی ا یوحانا: ټامزرا ن لمسیح

⁹ نش ذ یوحانا، وُماټوم ذ وُمعاشار نوم ذی زحصارت ذ ټکلذیث ذ صبار ن یشو، ټوغا-یی ذی ټکزیرټ قارن اس باټموس ذی طوع ن واورن آرټی ذ شھاذث ن یشو. ¹⁰ اوضا-د خافي اُروح ذځ واسن ن آرټی وُشا سزیرغ اوارنی اِبی اِشټ ن ټوبیجا ټجهذ اَمشناو زُیوق، ¹¹ اِقار ”نش ذ اَلفا ذ وُمکا ذ اَمزوارو ذ اَنکارو. مین ټنوازیذ، اِري ټ ذځ اِج ن وذلیس، سځ اټ-ید ا سبعا ن ټمسْمونین ټنی اِدچان ذی اسیبا، غار افاستوس، غار سمیرنا، غار

بیرکامون، غار ثیبیاثیرا، غار سارذیس، غار فیلاذلیفیا وُشا غار لایوڈیکبیا. “¹² خنی نقریغ جیما اذ تراغ ونی اِغارِی-د اِسَوازن. اَزامی نقریغ، ژریغ سبعا ن زقناذ ن وُرع. ¹³ وُشا ذی زوسط ن زقناذز اِجَن اَمشناو مَس ن بُنادم، ثوغا یارض شا ن وارووض اِتاکواض اس اَز اِضارن، غارس اِج ن وُبیاس ن وُرع خ اِدمارن ¹⁴ وُشا اَز دَجیف ذ وُشواف نَس ثوغا-ثن ذ اِشمَازن اَم ناضوفت ناشمَراتبش اَم وُدفر وُشا ثیطاوبن نَس اَم اِخوذاق ن ثَمسی، ¹⁵ اِضارن نَس اَم نَحاس یارقن اُخمی ث زوغن ذک وُفاران وُشا ثَمبجا نَس اَم زَحسن ن واطاس ن واما. ¹⁶ ثوغا غارس ذک وُفوس نَس اُفوسی سبعا ن اِثران وُشا زک وُفموم نَس اِتفع-د زایس سَیف اِقصع س ثناین ن وُدماون وُشا اَغموب نَس اِتشضِصیح اَمشناو ثُغوشث س جَهذ نَس. ¹⁷ اَزامی ث ژریغ، وُضیغ اس غار اِضارن نَس اُخمی موثغ وُشا نتا اِسارس خافی اُفوس نَس اُفوسی، اِنَّا اُیی ”وار تکوذا! اَقا نش ذ اَمزوارو ذ اَنکارو. ¹⁸ نش ذ ونی اِدارن! نش ثوغا موثغ، وُخزار، اَقا نش ذ ونی اِدارن اِرَبدا قاع، اَمین! اَقا غاری ثیساروُثن ن زاخارث ذ زموث. ¹⁹ اَری مین تَریذ ذ مین اِدجان ذ مین اِغا اِمسارن اوارنی مان آیا. ²⁰ اَقا ذ سَیر ن سبعا ن اِثران اِ تَریذ ذک وُفوس اِنو اُفوسی ذ سبعا ن زقناذز ن وُرع: سبعا ن اِثران اَقا-ثن ذ لمالاکاث ن سبعا ن ثَمسُمونین وُشا سبعا ن زقناذز اِ تَریذ اَقا-ثن ذ سبعا ن ثَمسُمونین.“

اِ ثَمسُمونت ذی اَفاَسوس

2 ¹ ”اَری اِمالاک ن ثَمسُمونت ذی اَفاَسوس اَمو اِقار ونی غار اِدجا سبعا ن اِثران ذک وُفوس نَس اُفوسی، ونی اِکورن ذی زوسط ن سبعا ن زقناذز ن وُرع: نش سَنغ رَحذایم نَک ذ ثامارا نَک ذ صَبار نَک، بلی وار ثومارذ اذ ثَممَرد اِنی اِعقنن وُشا ثَقَدَجَبذ اِنی اِتَکن اِخف نسن ذ اِمازانن، ماشا وار دَجین شا وُشا ثوفیذ ثن ذ اِیث ن بو-اِخاریقن. ³ شک ثَصارذ وُشا ثکسیبذ ارمح خ سَیبث ن یسم اِنو وُ وار ثوجیزذ شا. ⁴ ماشا غاری خاک شا، بلی تَجید ثاَیری نَک نامزواروُث. ⁵ عقتر ماینس-د ثوَصیذ وُشا ثوب، خنی اَک رَحذایم نَک ثیمزورا! مازا وار اِدجی اَمنی، اذ غارک-د اسغ ذغبا، اذ کسبغ زَقَدِیز نَک زک وُمشان نَس، مازا وار ثوبیذ شا. ⁶ ماشا مان آیا ثیوضذ، اَقا ثشارهذ رَحذایم ن اِیث ن اِنیکولاییشن، یثی شارهغ نش عاوذ. ⁷ ونی غار اِدجا اَمزوغن اذ اِسز مین اِقار اُرُوح اِ ثَمسُمونین. ونی اِغا اِغلبن اذ ث سَشغ زی ثشجارت ن ثودارت اِ اِدجان ذی زوسط ن جَنث ن اَری.“

إِ تَسْمُونَت ذِي سَمِيرِنَا

8»⁸ أَرِي إ لِمَالَاك ن تَسْمُونَت ذِي سَمِيرِنَا 'أَمُو إِقَار وَتِي ذَ امَزَارُو ذَ اُنْكَارُو، وَتِي إِمُوثَن
 وَشَا إِدُوْر-دَ إِدَارَ عَاوَد: 9'أَقَا-يِي سَنَغ رَحْدَايِم نَك ذَ رَحَصَارَت ذَ وَزْرَاضَ نَك، قَاعَ أَمْنِي
 شَك تَشَجَارْدَ، وَ أَقَا-يِي سَنَغ مَامَشَ ذَايُومَ تَشَقَافَنَ اِنِّي اِتَارَانَ إِخْفَ نَسَنَ ذَ وَذَايِنَ، مَاشَا
 نِيَشْتِي وَارَ دَجِينَ شَا ذَ وَذَايِنَ، مَاشَا ذَ اَسِينَاكُوْكَ نَ شَيْطَان. 10'وَارَ تَكُوْذَ شَا زِي مِيْنِ إِ
 عَا تُوَاعَدْبَد. أَقَا اِيْرِيْسَ اَذَ اِنْضَارَ شَا زَايُومَ ذِي رَحْبِسَ، حِيْمَا اَذَ تُوَا جَارَبِم. اَذَ غَارُوْمَ ثِيْرِي
 رَحَصَارَتَ نَ عَشْرَانَ وَ سَتَانَ. اِيْرِيْمَ ذَ اَصْدِيْقِيْنَ اَزَ رَمُوْثَ، رَحْدَتِيْ اَذَ اَشَ وَشَغَ ثَامِرِيْسَتَ
 نَ ثُوَاذَرْت. 11'وَ تِيْ غَارَ اِدْجَا اِمَزُوْعَنَ اَذَ اِسْرَ مِيْنِ اِقَارَ اَرْوَحَ إِ تَسْمُونِيْنِ! وَ تِيْ اِ غَا اِغْلَبِنَ
 وَارَ ذَ اس-دَ ثِيْوِيْ شَا تُخْصَارَتَ زِي رَمُوْثَ وَيْسَ ثَنَايِن. 12»

إِ تَسْمُونَت ذِي بِيْرِكَاْمُون

12»¹² أَرِي إ لِمَالَاك ن تَسْمُونَت ذِي بِيْرِكَاْمُون 'أَمُو إِقَار وَتِي غَارَسَ سَيْفَ اِقْضَعَ خَ ثَنَايِن
 نَ وَذَمَاوَن: 13'نَشَ سَنَغَ مَانِي تَزْدَعْدَ، ذِيْهَا غَارَ مَانِي اِنْبَدَا زَعَارَشَ نَ شَيْطَان. أَقَا تَطْفَذَ
 ذَكَّ اِسْمَ اِنُوْ وَشَا وَارَ تَشَكَرْدَ شَا لِاِيْمَانَ ذَايِي وَزَا ذَكَّ وَ سَتَانَ وَ مِيْ ثُوْغَا اَنْثِيْبَاَسَ، اَشْهَادَ
 اَصْدِيْقِيْ اِنُوْ، اِتَوَانَعَ غَارُوْمَ غَارَ مَانِي اِزْدَعْغَ اِيْرِيْسَ. 14'مَاشَا غَارِيْ خَاكَ شَا، أَقَا غَارَكَ ذِيْنِيْ
 اِنِّي اِتَطْفَنَ ذَكَّ وَ سُرْمَدَ نَ بِالْعَامَ، وَ تِيْ ثُوْغَا اِسْرَمَدَنَ اِ بِالَاكَ مَامَشَ اِ غَا اِنْضَارَ اِشْتَ
 نَ تَعْنَكْرِيفَتَ اِ اَيْثَ نَ اِسْرَايِيْلَ حِيْمَا اَذَ شَنَ زِي مِيْنِ غَارَصَنَ اِ لَاصْنَامَ وَشَا اَذَ قَحْبِنَ.
 15'غَارَكَ ذِيْنَ عَاوَدَ اِنِّي اِتَطْفَنَ ذِي تَعُوْرِي نَ اِنْيِكُوْلَايِيْشَنَ، مِيْنِ شَارَهَغ. 16'خَ وَ تِيْ ثُوْبَ!
 مَازَا وَارَ اِدْجِيْ اَمْنِيْ، اَذَ غَارُوْم-دَ اِسْغَ ذَغِيَا، اَذَ كِيْسَنَ مَنَعْغَ سَ سَيْفَ نَ وَ قَمُوْمَ اِنُوْ.
 17'وَ تِيْ غَارَ اِدْجَا اِمَزُوْعَنَ اَذَ اِسْرَ مِيْنِ اِقَارَ اَرْوَحَ إِ تَسْمُونِيْنِ. وَ تِيْ اِ غَا اِغْلَبِنَ اَذَ اَسَ سَنَغَ
 سَ 'مَاتَا' اِنُوْفَارَنَ وَشَا اَذَ اَسَ وَشَغَ اِحَ نَ وَرُوْ ذَ اَشْمَزَا، اِتُوَارِيْ خَاسَ اِسْمَ نَ جَدِيْدَ،
 وَارَ ثَ اِسْتِيْنَ حَدَ مَغِيْرَ وَ تِيْ ثَ اِقْبَرَن. 18»

إِ تَسْمُونَت ذِي ثِيْبَاثِيْرَا

18»¹⁸ أَرِي إ لِمَالَاك ن تَسْمُونَت ذِي ثِيْبَاثِيْرَا 'أَمُو إِقَارَ مِيْسَ نَ اَرِيْ وَ تِيْ غَارَ اِدْجَا ثِيْطَاوِيْنِ
 اَمَ اِحُوْذَاقَ نَ ثَمْسِيْ ذَ اِحْضَارَنَ نَسَ اَمَ نَحَاسَ يَارَقَن: 19'نَشَ سَنَغَ رَحْدَايِمَ نَكَ وَزَا ذَ ثَايْرِي
 ذَ تَسْخَارَتَ ذَ لِاِيْمَانَ ذَ صَبَارَتَ نَكَ، أَقَا رَحْدَايِمَ نَكَ ثِيْنِكُوْرَا اِمُغَارَنَ خَ ثَمْرُوْرَا. 20'مَاشَا
 غَارِيْ خَاكَ شَا، أَقَا تَجِيْدَ ثَامَطُوْثَ اِزَايِيْلَ اِ اِقَارَنَ بَلِيْ نَتَاثَ ذَ ثَاْمَاكَا شَفْتَ، ثَسْرَمَاذَ وَشَا
 تَسْعَكُوْ اِسْمَغَانَ اِنُوْ حِيْمَا اَذَ قَحْبِنَ وَشَا اَذَ شَنَ مِيْنِ اِتُوَاغَارَصَنَ اِ لَاصْنَام. 21'أَقَا وَ شِيْغَ

نِيئِنِّي وار دَجِينِ شَا أَمَنِّي، ماشا نِيئِنِّي سَخارِيَقِن. اَذْ ثَن اَرَّغْ اَذْ اش وُضَانِ غَارِ اِضَارِن نَكْ جِيما اَذْ سَنَن بَلِي نَش سَعِيَزْغْ شَك،¹⁰ مِينزِي اَقَا شَك ثَحْصِيذْ اَوَاژ اِنُو ن صَبَار، خ وُيَنِّي اَذْ خَاكْ حَضِيغْ عَاوَذْ زِي نَسَاعَتْ ن وُجَارَبْ ثَنِّي اِدْ غَا يَاسِن خ ثَمُورْتْ مَارَا اِ وُجَارَبْ ن اِنِّي اِزْدَغَن خ ثَمُورْت. ¹¹ نَش اَذْ د اَسْغْ ذَغِيَا. طَفْ ذِي مِينِ غَارِكْ جِيما وُزَا اِجْ وار دْ اش اِتْكَسْ شَا ثَامَرِيَسْتْ نَك. ¹² وِنِّي اِغَا اِغْلَبْن اَذْ ث كَغْ ذْ اَبِيَلَارْ ذِي نَاذَارْتْ اِقْدَسْن ن اَرَّبِي اِنُو وُشَا وار زَايسْ اِتْوَمَكْسِي عَمَارَصْ وُشَا اَذْ خَاسْ اَرِيغْ اِسْم ن اَرَّبِي اِنُو ذْ يِيسْم ن ثَنْدِيَنْتْ ن اَرَّبِي اِنُو، وُرْشَالِيْم ن جَزِيذْ ثَنِّي اِدْ غَا اِهْوَانْ زَكْ وُجَنَّا زِي اَرَّبِي اِنُو، وُزَا ذْ يِيشْم اِنُو ن جَزِيذْ. ¹³ وِنِّي غَارِ اِدْجَا اِمْرُوغَن اَذْ اِسْرْ مِين اِقَارْ اَرُوَحْ اِ ثَمْسُمُونِين. “

اِ ثَمْسُمُونْتْ ذِي لايُوذِيكِيَا

¹⁴”اَرِّي اِلْمَالَاكْ ن ثَمْسُمُونْتْ ذِي لايُوذِيكِيَا” اَمُو اِقَارْ وِنِّي وُيْمِي اِتْوَاغَا ’اَمِين‘، اَشْهَادْ اَصْدِيْقْ ذْ ثِيذْت، وِنِّي ذْ بَدُو ن مَارَا مِين د اِحْزَقْ اَرَّبِي: ¹⁵ نَش سَتَغْ رَحْذَايْم نَكْ، بَلِي شَك وار ثَسْمِيضْ وار ثَحْمِيذْ. مَزِي اِغَا ثَسْمِيضْ نِيغْ ثَحْمِيذْ! ¹⁶ خ وُيَنِّي، وُيْمِي شَك ثَمْرُوذْ، وار ثَحْمِيذْ وار ثَسْمِيضْ، اَذْ خَاكْ شُوَسْفَغْ زَكْ وُقْمُومْ اِنُو. ¹⁷ مِينزِي شَك ثَقَارْدْ ’نَش غَارِي اَكْرَا وُشَا اِمَارِنِي-د غَارِي واكْرَا، وار د ابي اِتْخَصِّي وَاو‘، وُشَا وار ثَسْمِيذْ شَا بَلِي شَك ذِي زَغْبَن د زَحُوجْ، اَقَا شَك ذْ اَمْرُوُضْ ذْ اَذَارْغَاذْ ذْ اَعَارِيَان. ¹⁸ اَذْ شَك نَصْحَغْ مَاحْنَدْ اَذْ خَافِي ثَسْعَدْ وُرْغْ اِقُورِن اِكَيْنْ ثِيْمَسِّي جِيما اَذْ ثَدُوْرْدْ ذْ بُو اَكْرَا، وُزَا ذْ اَرُوُضْ ذْ اَشْمَرَاژْ جِيما اَذْ ثَارْضْ، وار ثَضْهَارْ عَاذْ رَفْضِيحْتْ ن ثُوْعَارِيَنْتْ نَكْ، وُزَا ذْ دَهْنْ اِثِيْطَاوِين نَكْ جِيما اَذْ ثَمْسَحْدْ اِثِيْطَاوِين نَكْ، اَذْ ثَوَاژِيذْ. ¹⁹ كُوْرْ اِجْنْ وِنِّي سَعِيَزْغْ، ثُوْبِخَغْ ث، ثَسْكَذْغْ ث. اَكْ زَبَاژ، ثُوْب! ²⁰ اَقَا ذَا، نَش بَدَغْ غَارِ ثَوَارْتْ، سَقَارْقُوْبِغْ. مَارَا حَد اِسْرْ اِثْمِيْجَا اِنُو، اَذْ يَارْزَمْ ثَاوَارْتْ، نَش اَذْ غَارَسْ اَذْفَغْ وُشَا اَذْ كِيَسْ مُونَسُوغْ ذْ نَتَا اَكِيْذِي. ²¹ وِنِّي اِغَا اِغْلَبْن اَذْ اَسْ وُشَغْ جِيما اَذْ اِقِيْمْ اَكِيْذِي خ زَعَارَشْ اِنُو اَمْسِنَاوْ نَش غَلْبِغْ وُشَا قِيْمِغْ اَكْ-ذْ بَابَا خ زَعَارَشْ نَس. ²² وِنِّي غَارِ اِدْجَا اِمْرُوغَن اَذْ اِسْرْ مِين اِقَارْ اَرُوَحْ اِ ثَمْسُمُونِين. “

زُعَارَشْ ذَكْ وُجَنَّا

4 اَوَارِنِي مَان اَيَا زُرِيغْ اِشْتْ ن ثَوَارْتْ ثَارْزَمْ ذَكْ وُجَنَّا وُشَا ثُمِيْجَا ثَامْرُوَاوُوثْ اِ سَرِيغْ اَم اِجْ ن زُبُوْقْ اِغَارِي-د اِسَاوَاژِن، ثَنَّا ”ثَاَعَدْ ذَا وُشَا اَذْ اش سَشْنِغْ مِين اِتْخَصْصْ اَذْ اِمْسَارْ اَوَارِنِي مَان اَيَا.“ ² زَحْذَنِّي اِرْحَفْ اَبِي-د اَرُوَحْ. اَقَا ذَا، اِجْ ن زُعَارَشْ اِبْدْ ذَكْ وُجَنَّا،

تُوغا اِقِيم خاس اِجَن. تيفراس ن وتي تُوغا خاس اِقِيمَن اَمَشِنَاو اَزُرُو ن ياسيس د ساردوان. تيووا اِزَعارش تُوغا دِين اِشْت ن تَسَرِيْث ن وَتَرَار، وُذَم تَس اِضْهَار اَمَشِنَاو اَزُرُو ن سَمِيرالذَا. ⁴قُووَارَن اس اِزَعارش اَرْبَعَا وُ عَشْرِيْن ن زَكَرَاسِي ن زَعارش وُشَا اَرْبَعَا وُ عَشْرِيْن ن اِمْعَارَن تُوغا قِيمَن خ زَكَرَاسِي ن زَعارش، اَرْضَن اَرُوْض اَشْمَزَا، غارسن خ وُزْدَجِيْف تِيْمَرِيْسِيْن ن وُرغ. ⁵زِي زَعارش نِي شَانَن زَايس اَسَامَن ذ واجاجن ذ تَمِيْجَاوِيْن. زَاث اِزَعارش اَرْقَنَت سَبْعَا ن اِصْفَصَاوَن، تِيْنَا ذ سَبْعَا ن اَرُوْحَات ن اَرْتِي. ⁶غار زَاث ن زَعارش تُوغا دِين اَمَشِنَاو زَبْحَارَن زَاج اَحْمِي ذ اَزُرُو ن كَرِيْسْتَال. ذِي زَوَسْطَن زَعارش ذ مِيْن ذ اس-د اِنْضَن، تُوغا دِين اَرْبَعَا ن اِمْدَارَن، عَمَارَن س تِيْطَاوِيْن مَارَا غَار زَاث ذ ضَفَار. ⁷اَمْدَار اَمَزَاوُو يَارُوْس ذَكْ وَايْرَاد، وِيْسَن ثَانِيْن ذَكْ وُعْجَمِي (نِيغ اَيْنْدُوْز)، وِيْسَن ثِرَاثَا تُوغا اَغْمُبُوْب نَس اَحْمِي ن بِنَادَم وُشَا وِيْسَن اَرْبَعَا يَارُوْس ذَكْ وُنْضِيُو اِطَاوَن. ⁸اَرْبَعَا ن اِمْدَارَن كُوْر اِجَن وَحْدَس زَايْسَن غَارَس سَتَا ن وَاْفَرِيُوْن، عَمَارَن س تِيْطَاوِيْن غَار بَارَا ذ ذَاخِر وُ تَرَاغَاغَا اَسْ ذ ذَجِيْرْت نَبْرَا اَبْدِي، قَارَن "اَمْقَدَّاس، اَمْقَدَّاس، اَمْقَدَّاس ذ سِيْذِي اَرْتِي اَمَزَمَار خ مَارَا مِيْن اِدْچَان ذ وتي تُوغا ذ وتي اِدْچَان ذ وتي اِدْغَا يَاسَن." ⁹وُشَا خَمِي اِغَاوْشَن اِمْدَارَن اَعُوْدْچِي ذ شَان ذ وُقَاذِي اِ وِنِي اِقِيمَن خ زَعارش، اِ وِنِي اِدَارَن اِزْبَدَا، ¹⁰خْتِي اَرْبَعَا وُ عِيْشْرِيْن ن اِمْعَارَن اَذْ وُضَان غَار ثَمُوْرْت غَار زَاث ن وتي اِقِيمَن خ زَعارش، اَذْ سَجْدَن اِ وِنِي اِدَارَن اِزْبَدَا قَاع وُشَا اَذْ سَارَسَن تِيْمَرِيْسِيْن نَسَن غَار زَاث اِزَعارش، قَارَن ¹¹"شك، ا سِيْذِي اَرْتِي نَغ، ا اَمْقَدَّاس، تَسَاهْدْچَن اَعُوْدْچِي ذ شَان ذ جَهْد، اَقَا ذ شك اِ اِكْتِيْن مَارَا مِيْن اِدْچَان، اَقَا مَان اِيَا زَايَك اِ اِدْچَا وُشَا زَايَك اِ اِتُوَاكْ."

اَدْلِيْس اِتْوَانْضَن ذ اِزَمَار

5 ¹وُشَا زَرِيغ ذَكْ وُفُوْس اَفُوْسِي ن وتي اِقِيمَن خ زَعارش اِج ن وُدْلِيْس اِتْوَانْضَن، تُوغا خاس تِيْرَا غَار ذَاخِر ذ بَارَا، وُشَا اَدْلِيْس تُوغا اِتْوَاشَمْع س سَبْعَا ن اِشْمِيْعَن. ²وُشَا زَرِيغ اِج ن لِمَالَاك اِجَهْد، اِتْرَاغَا س جَهْد "مَان وَن اِسْذَاهْدْچَن اَذْ يَارْزَم اَدْلِيْس-ا وُشَا اَذْ اِكْس اِشْمِيْعَن نَس؟" ³وُشَا وُزَا ذ اِجْ ذَكْ وُجَنَّا نِيغ ذِي ثَمُوْرْت نِيغ سَاذُو ثَمُوْرْت اِزَمَار اَذْ يَارْزَم اَدْلِيْس-ا نِيغ اَذْ ذَايْس اِخْتَار. ⁴نَش رُوغ اَطَّاس وُْمِي وَار وُفِيْن وِي اِسْذَاهْدْچَن اَذْ يَارْزَم اَدْلِيْس-ا جِيْمَا اَذْ زَايْس اِغَار نِيغ اَذْ ذَايْس اِخْتَار. ⁵وُشَا اِجَن زَكْ اِمْعَارَن اِنَّا "وَار تَرُو شَا! خَزَار، اِيْرَاد زَكْ اَيْث ن يَاهُوْذَا زَكْ وُزُوَارَن دَاوُد، اَقَا اِغْلَب جِيْمَا اَذْ يَارْزَم اَدْلِيْس-ا ذ سَبْعَا ن اِشْمِيْعَن نَس." ⁶وُشَا زَرِيغ غَار زَوَسْطَن ن زَعارش ذ اَرْبَعَا ن اِمْدَارَن وُشَا ذِي زَوَسْطَن ن اِمْعَارَن اِج ن اِزَمَار اِبْد، اِكَا اَحْمِي ذ ثَاغَارَصْت. نَتَا

غارس سبعا ن وایشاون ذ سبعا ن ٹیطاوین، نیثنی ذ سبعا اُروحات ن اُربئی ائی اُتواسکن غار دُونیث ثمون. ⁷ اقا ننا یوسی-د وُشا اُکسی اُذلیس اُتوانضن زک وُفوس اُوسی ن وئی ثوغا اُقیمن خ زُعارش. ⁸ اُرامی اُطف اُذلیس اُتوانضن، وُضان-د اُربعا ن اُمدارن ذ اُربعا وُ عشرین ن اُمعارن غار ثمورث زاث اُ اُزمار، مارا اُذسن غارسن هاربات ذ طَباصا ن وُرع شُورنت س زُبُخور مارا، مان اُیا ذ اُتوادُجیثین ن اُمقداسن. ⁹ وُشا غنجن اُج ن اُزری ن جُذید ”شک نسا اُهدجذ اُذ نکسیذ اُذلیس اُتوانضن، اُذ نکسد اُشمیعن نس مینزی شک نسا وُعا اُرد وُشا س اُدامن نک نسیذ اُنع اُ اُربئی زی کوز ثاقبیتش ذ اُزس ذ وُذوذ ذ زُکنس. ¹⁰ شک ننا اُذ ش ذ اُجذ اُجذ ذ اُکھانن اُ اُربئی، اُذ حکمن خ ثمورث.“

¹¹ اُحنی زُریغ وُشا سزِیغ اُمیمجان وُاطاس ن لمالاکث نضنت اُ زُعارش ذ اُمدارن ذ اُمعارن وُشا ثوغا-ن عشا اُراف ذی عشا ن زُروف ذ اُراف ذی زُروف، ¹² اُتواغان س اُمیمجان اُجھذن ”اُزمار وئی اُتواغارسن اُسدا هذچ اُذ اُطف جُهد ذ وُاکرا ذ اُثیغث ذ نرمار ذ شان ذ وُعودجی ذ وُسمغار!“ ¹³ وُشا مارا وئی اُدجان ذک وُجنا وُخ ثمورث ذ ساوُ ثمورث وُخ زُبُچار، قاع مین اُدجان ذایسن، سزِیغ اُسن، قارن ”اُسمغار ذ شان ذ وُعودجی ذ صُولطا اُذ اُزین اُ وئی اُقیمن خ زُعارش وُ اُزمار اُ زُیدا قاع.“ ¹⁴ وُشا اُربعا ن اُمدارن قارن ”اُمین!“ اُمعارن وُضان-د غار ثمورث، سجدن.

سبعا ن اُشمیعن

6 ¹ وُشا زُریغ بلی اُزمار اُفسی اُشمیع اُمزوارو زی سبعا ن اُشمیعن نئی وُشا سزِیغ اُجن زی اُربعا ن اُمدارن اُقار س اُمیمجان اُم وُاجاج ”اُس-د، خُتار!“ ² اُحنی زُریغ اُج ن وُیس ذ اُشمزاز ذ وئی خاس اُنین غارس اُج ن زُفوص. وُشین اس اُشث ن ثمریست وُشا ننا اُفغ-د اُم اُتغلاب وُشا جیما اُذ اُغلب. ³ اُرامی یازم اُشمیع وُیس نثانین، سزِیغ اُ وُمدار وُیس نثانین، اُقار ”اُس-د، خُتار!“ ⁴ وُشا یوسی-د وُیس نضنی، ثوغا ذ اُزکواغ اُم اُمسی وُشا وئی خاس اُنین، کُین ث جیما اُذ اُکسی زُهنا خ ثمورث، جیما اُذ کارن اُوذان، اُذ غارسن اُ وُیاوایا وُشا وُشین اس اُج ن سبف اُمغار. ⁵ اُرامی یازم اُشمیع وُیس نثانین، سزِیغ اُ وُمدار وُیس نثانین اُقار ”اُس-د، خُتار!“ وُشا زُریغ اُج ن وُیس ذ اُبارشان وُشا وئی خاس اُنین غارس اُج ن زُمیزان ذک وُفوس. ⁶ ذی زُوسطن ن اُربعا ن اُمدارن سزِیغ اُحمی شان ن اُمیمجان نثار ”اُج ن زُموذ (=لیثو) ن بیرذن س اُج ن دینار ذ نثانین ذ زُموذ ن بیرذن س اُج ن دینار. غار زُشت ذ بیئو وار نث نضیعم شا!“ ⁷ اُرامی یازم اُشمیع وُیس اُربعا، سزِیغ اُ اُمیمجان ن وُمدار وُیس اُربعا نثار ”اُس-د، خُتار!“ وُشا زُریغ اُج ن وُیس ذ اُسنایی (=اوراغ اُشحشاح - اوراغ اُذاراس)

وُشا وني خاس اينين، قارن-اس 'زموث' وُشا تُصْفار اِث زاخارث. ثَمُوشُ أُسنِ اِ نيئني صُولطاخ اِج ن اربع ن ثمورث جيما اذ نغن س سَيف، س زاز، س زموث وُ س زوخوش ن ثمورث. ⁹ آزايي يازرم اشميع ويس خُسا، زُريغ سادُو وُعالطار زعمور ن يني ايتوانغن ذي طوع ن واواز ن اربي وُشا ذي طوع ن شهادت اِ ثوغا غارسن، ¹⁰ زاغان س جهذ "اِحْراكم اَمَقْداس ذ باب ن ثيدت، مشحاز اِ غا ثقيمد وار ثحكمد، وار تنقمد شا اِ اِدامن نغ زك اِني اِزدغن ذي ثمورث؟" ¹¹ وُشا وُشين اُسن، مارا اِج-اِج، زعبايات ذ ثيشمزايين، نان اُسن بلي اذ اريحن ذروس اِز اِ غا كَمَزَن اِسْمَعان نُصْني ذ واوماثن نسن، اِني اِ غا ايتوانغن عاوذ اِم نيئني. ¹² وُشا زُريغ، آزايي يازرم اشميع ويس ستا، زَحْذَني اِمِسا رِج ن ونهزي ن ثمورث ذ اَمَقْران. ثُفوشث ثذوو ذ ثابارشات اِم اِشث ن ثخانثش ن وُشضان وُشا نازيري ثمون نكّا اِم اِدامن ¹³ وُشا اِثران ن وُجنا وُضان-د غار ثمورث اِم اِقُوْرَاع زك وارثو خمي ث-يِد اِغَطَّر اِج ن وُسميَض ذ اَمَقْران. ¹⁴ اِجنا اِمَكِسي اِم اِج ن وُرولو ن وُدليس، نُصن ث وُشا مارا اِذوار ذ ثكزييرين ثواكسن زك اِموشان نسن. ¹⁵ اِجدحيدن ن ثمورث ذ اِمَقْران ذ اِثباب ن واكرا ذ يني ذ اِكومانذرن خ واظ ذ يني غارسن ثيزمار ذ كوز اِسْمَع ذ زُحور، اَقا نيئني سَنُوْفارن اِخف نسن ذك اِفران وُ جار زجروف ن اِذوار، ¹⁶ نان اِ اِذوار ذ زجروف "وُضام-د خانغ، فارم اِنغ زك وُدم ن وني اَقيمن خ زعارش وُ زي لغاضاب ن اِزمار، ¹⁷ ميينزي اُس اَمَقْران ن لغاضاب نس اَقا يوسي-د، مان ون اِزمارن اذ اِعذو؟"

اَشْمِيع ن اَرَبِّي اِذَارن

7 اوارني مان ايا زُريغ اربعا ن لمالاكات بدنت غار اربعا ن نَعْمُورا ن ثمورث، طَفنت اربعا ن اِسْمِيعن ن ثمورث، جيما وار اِنْتِصُوي وُسميَض وُزاخ زبار وُزاخ واما نبيغ خ شان ن ثشجارت. ² وُشا زُريغ اِج ن لمالاك نُصْني يُوْري-د مانيس د ثنقار ثفوشث، اَقا غارس اشميع ن اربي اِذَارن وُشا اِزاغا س جهذ اِ اربعا ن لمالاكات نيئني وُبي ثموش ثومار جيما اذ سَنخسارنت ثامورث ذ واما، ³ اَقار "وار تَسَخْسارنت ثامورث وُزا ذ امان وُزا ذ ثيشجورا اِز اِ غا نكّا اشميع خ ثنيارت ن اِسْمَعان ن اربي نغ." ⁴ وُشا سَزِيع زَقْدن اِني اِتواشمعن، ميا وُ اربعا وُ اربعين ن اِزاف اَقا اِتواشمعن زي مارا ثيقباز ن اسرائيل

⁵ نَعاش اِزاف زي ثقيبتش ن ياهودا، نَعاش اِزاف زي ثقيبتش ن روين،

⁶ نَعاش اِزاف زي ثقيبتش ن كاذ، نَعاش اِزاف زي ثقيبتش ن اشير،

ثعاش أَرَفَ زِي ثَقِيْبَيْش ن نافتالي، ثعاش أَرَفَ زِي ثَقِيْبَيْش ن ماناسا،
 7 ثعاش أَرَفَ زِي ثَقِيْبَيْش ن سِمعان، ثعاش أَرَفَ زِي ثَقِيْبَيْش ن لاوي،
 ثعاش أَرَفَ زِي ثَقِيْبَيْش ن إِساکار، 8 ثعاش أَرَفَ زِي ثَقِيْبَيْش ن زِيئولون،
 ثعاش أَرَفَ زِي ثَقِيْبَيْش ن يُوسف، ثعاش أَرَفَ زِي ثَقِيْبَيْش ن بينيامين.

أَبَارُون زَغاشِي زِي كُوز زُكْنَس

9 أواربي مان أيا آقا زَرِيغ إِج ن وُبارُون زَغاشِي زِي كُوز زُكْنَس ذ ثَقَباز ذ وَيَدُود ذ إِزسانون
 وُزا ذ إِج وار إِزمار آذ ثن إِفارز. نيئِي بَدَن زَاث إِ زَعارش ذ يزمار، أَرْضَن زَعبايات ذ
 ئيشمزايِن وُشا غارسن ئيسضَوِين ن ئيني ذَك إِفاسن نسن. 10 تَراعان س جَهْد ”أَسْنَجْم
 إِتِيَرِي إِ رَبِّي نَغ وَنِي إِقِيمَن خ زَعارش وُ إِزمار.“ 11 وُشا مارا لَمالاکات نَضَنث-يِد إِ
 زَعارش وُزا ذ إِمغارن ذ أربعا ن إِمدارن، وُشا أَضاران غار ثَمُورث س وُذماون نسن قِيْبائِش
 إِ زَعارش، سَجْدَن إِ رَبِّي، 12 نان ”أَمِين! أَسْمِغار ذ وُغُودِجِي ذ ئِيغِيث ذ وُقاذِي ذ شان
 ذ جَهْد ذ تَرَمار إِ رَبِّي نَغ إِ زَبدا قاع. أَمِين.“ 13 حَتِّي يار-د إِجَن زَك إِمغارن نِّي، إِنَّا
 أَيِي ”مِين عنان نيئِي إِودان-ا يارصن زَعبايات ذ ئيشمزايِن، مانيس د وُسين؟“ 14 نَس
 نَيغ اس ”أَسِيذِي إِنو، شَك إِسَنن.“ إِنَّا أَيِي ”إنا آقا وُسين-د زِي زَحْصارت نامقرانت.
 نيئِي صَبَنَن زَعبايات نسن وُشا أَرِين ثنت ذ ئيشمزايِن ذَك إِذاَمَن ن إِزمار. 15 خ وُيَنِي
 نيئِي بَدَن زَاث إِ زَعارش ن أَرَبِي وُشا خَدَمَن اس آس ذ دَجِيْرث ذِي تادارث إِقدَسَن
 نَس. وُشا وَنِي إِقِيمَن خ زَعارش آذ خاسن إِوْث أَقِيضُون نَس. 16 وار إِقِيمَ عاذا آذ دَجُورَن
 نيغ آذ فُودَن، وار ثن ثَقْدِي وُزا ذ ثَفُوش وُزا ذ إِشْت ن جُورْث ن زَحْمُو، 17 مِينزِي
 إِزمار إِ إِبْدَن ذِي زُوسَط ن زَعارش آذ ثن ياروس، آذ ثن إِندَه غار نازاوين ن وامان ن
 ثُودارث وُشا أَرَبِي آذ اسن إِمسح كُوز أَمَطَّا زِي ثِيْطَاوِين نسن.“

أَشْمِيْع وَيَس سِبعَا

8 إِزامي يارزم أَشْمِيْع وَيَس سِبعَا، أَجَنَّا ثُوغا يارسا عواحاز أَرِين ن نَساعْث. 2 وُشا
 زَرِيغ سِبعان لَمالاکات ثِي بَدَنَت زَاث إِ رَبِّي وُشا اَمُوش أَسَنَت سِبعان زَبواق.
 3 آقا إِج ن لَمالاک نَضَنِي يُوسِي-د، يُوئور آذ إِبْد غار وُعالطار س إِشْت ن ثَقْدُوحْث ن
 وُرغ إِ زِيخُور. وُشِين اس أَطاس ن زَبْخُور جِئما آذ ث اِوَهَب أَك-ذ تَرادِجِيئِين ن مارا
 إِمقداسن خ وُعالطار ن وُرغ قِيْبائِش إِ زَعارش. 4 وُشا دَخان ن زَبْخُور أَك-ذ تَرادِجِيئِين ن
 إِمقداسن ثُوغا إِتْكَاعاد زَك وُفُوس ن لَمالاک إِ إِبْدَن قِيْبائِش إِ رَبِّي. 5 حَتِّي لَمالاک إِكْسِي

ثاقذوحت ن زبُخور، اِسور ات س ثمسي زك وُعالطار وُشا اِنضارات غار ثمورث وُشا وُسين-د واجاجن ذ ثميجاوين ذ واسامن ذ ونهزي ن ثمورث.

سبعان زبواق

6 وُشا حزمتمت سبعا نني ن لمالاكاث نني غار اِذچا سبعا ن زبواق جيما اذ ذائسن صوضنت. 7 خني لمالاك اَمزوارو اِصوض ذي زبوق نس وُشا نوَضا-د نبروري ذ ثمسي خ ثمورث، خدچضنت اَك-ذ اِدامن وُشا اِشت ن نُوزوث ن ثمورث ذ اِشت ن نُوزوث ن تشجورا نُوغا ثنواسشمض وُشا مارا رَحِيث اَزيزا نُوغا ثنواسشمض. 8 خني لمالاك ويسن ثنائين اِصوض ذي زبوق نس وُشا شا ن ثمسزاشت اَم وذرار اَمقران اِشمضن، اِمضار ذي زبحار وُشا اِشت ن نُوزوث ن زبحار ثذوز ذ اِدامن، 9 وُشا اِشت ن نُوزوث ن لحاياواناث اِنني اِدارن ذي زبحار مِوثن ذ اِشت ن نُوزوث ن اِغاروبا نارددچ. 10 خني لمالاك ويسن ثراثا اِصوض ذي زبوق نس وُشا اِج ن اِثري ذ اَمقران، يورغا اَم اِج ن وُصفض، اِوضا-د زك وُجنا خ اِشت ن نُوزوث ن اِغزنان ذ تازاوين. 11 اِثري-يا قارن-اس 'اَبسينثوس' (= 'شبح'). اَفا اِشت ن نُوزوث ن وامان ثذوز ذ 'اَبسينثوس' (ميين اِخس اذ بيني 'تارزك اَمشناو شبح') وُشا مِوثن اَطاس ن اِوذان س وامان وُمي ذوزن وامان ذ اِمارزاكن. 12 خني لمالاك ويسن اربعا اِصوض ذي زبوق نس وُشا ثنواطف اِشت ن نُوزوث ن ثفوشث ذ اِشت ن نُوزوث ن نبري ذ اِشت ن نُوزوث ن اِتران ازامي ثبارشن اِشت ن نُوزوث ن ثفاوث وُشا نوَضا-د ثمامبست خ اِشت ن نُوزوث ن وُزير وُزا خ دچيزث. 13 وُشا زريغ اِج ن وُنضيو ذي زوسط ن وُجنا، ثتراغا س جهد "وُشت، وُشت، وُشت اِنني اِذدغن ذي ثمورث خ سبيث ن زحسن ن زبواق ن ثراثا ن لمالاكاث اِغا اِصوضن عاذ ذي زبواق نسنت."

9 المالاك ويسن خمسا اِصوض ذي زبوق نس وُشا زريغ اِج ن اِثري اِوضا-د زك وُجنا خ ثمورث، ثموش اس ثاساروث ن وُقُموم ن سرافث يودچغن. 2 نتا يارزم ثاسرافث يودچغن وُشا اِكاغد-د دَخان زك وُقُموم ن سرافث اَم دَخان ن ثفقونت ثامقرانت وُشا ثفوشث ذ زعوين بارشن زي دَخان ن سرافث. 3 زي دَخان فغن-د زائس اِبورحسن غار ثمورث، ثموش اَسن صولطا اَم نني اِذچان غار ثغارضميوين ن ثمورث. 4 اِثوانا اَسن "وار ثجيمح رَحِيث ن ثمورث وُزا ذ اَعُموي اَزيزا نيغ ثاشجارت مغير اِوذان واه اِنني وار غار اِذچي وُشميع ن اربي خ ثنيارت نسن". 5 ثموش اَسن ترمار ماحند وار نقن اِوذان، ماشا

13:8 'اِج ن وُنضيو' - ذي شان زماخطوطا ثيقذيينت ثوفا 'اِج ن لمالاك'

أذ ثن عدبن زقدن خمسان إیورن وُشا أعدب نسن أم وُعدب ن نغارضنت خومي نقس إ بنادم. ⁶ ذك وُشان ني أذ آرزون إوذان زموث، وارت تيفن وُشا أذ تارن أذ متن وُشا زموث أذ زایسن ناروژ. ⁷ بؤرخسن کین أم ایسان إ اِحزمن إ وُمنغي وُشا غارسن خ وُزدچيف أم نیمیریسین ن وُرخ ذ اِعْمَباب نسن أم اِعْمَباب ن إوذان، ⁸ وُشا اَشُوَاف نسن أم وُشَوَاف ن نَمغارین، تیغماس نسن أم تني ن وایرادن، ⁹ وُشا اِذمارن نسن سَدُوژوین س وُزاز وُشا دَریز ن وافرین نسن أم دَریز ن اِکَاروثن اَک-ذ واطاس ن ایسان اِتَقَنوُتوین غار وُمنغي، ¹⁰ غارسن اِکَناسن أم نغارضمیوین ذ اِسنانن وُشا صُولطا نسن ثوغا ذک اِکَناسن نسن، حیما اذ عدبن إوذان زمیجاز ن خمسان ن ایورن. ¹¹ اَجَدچید خاسن ذ نتا ذ لمالاک ن شرافت، قارن اس س تعبیرانیت 'أبادون'، س نکریکیث 'أبولیون'. ¹² وُشت، نامزواروُث نعدو، آوارنی مان آیا اذ د اَسنت عاذ ثنائین ن 'وُشثا'. ¹³ لمالاک ویس ستا اِصُوض ذی زبوق نس وُشا سَرِیغ نَمیجَا إ د یوسین زی اربعا ن وُشاون ن وُعالطار ن وُرخ إ اِبدن ذین قیباتش إ اَرَبی ¹⁴ ننا إ لمالاک ویس ستا اِغار اِدچا زبوق 'نسیی اربعا ن لمالاک اِتی اِشارفنت طارف ن اِغزار اَمقران ن وُفراث'. ¹⁵ وُشا اَرْحون اَسنت اربعا ن لمالاک اِتی ثنی ثوغا اِحزمن ذیبي غار واس ذ وُیور ذ وُسکواس، حیما اذ نغنت اِشت ن ثوزوُث ن إوذان. ¹⁶ ثوغا زقدن نسن تئویا ن عَشرا اَزاف س عَشرا زُروف ن اِنمانین (=عسکار س ایسان) وُشا سَرِیغ مَشحاز ذی دچان. ¹⁷ اُمُو اَرَبِیغ ایسان ذ بِنی خاسن اِنین ذی نَمزرا-یا: ثوغا سَدُوژوین اِذمارن نسن س وُزاز ذ اَزکُوغ أم نَمسی ذ وزیایی أم 'نیا سینت'، ذ ووراغ أم زشباریت وُشا اِزدچیفن ن ایسان ني أم اِزدچیفن ن وایرادن وُشا زک اِقْمومن نسن ثغ-د زایسن نَمسی ذ دَخان ذ زشباریت. ¹⁸ اَقا اِشت ن ثوزوُث ن إوذان ثوانغ س نراثا-یا ن جرایح، س نَمسی ذ دَخان ذ زشباریت اذ اِتَفغن زک اِقْمومن نسن. ¹⁹ مینزی صُولطا نسن اَقات-ذک اِقْمومن ذ اِکَناسن نسن، مینزی اِکَناسن نسن کین اَخمي ذ اِفیغان، غارسن اِزدچیفن نَمیجَن زایسن اِوذان. ²⁰ ماشا اِوذان اِقِمن اِنی واریوانغن شا زک جریحشت-ا، وار ثوبن شا زی زخدايم ن اِفاَسن نسن ماحند اذ بدن زک وُعباذ ن شواطن ذ لاصنام ن وُرخ ذ نوَقارت ذ نحاس ن وُزرو ذ وُکَشوُض، اِنی وار اِتویرین، وار اِتسزین، وار اِکُورن ²¹ وُشا نیشی وار ثوبن شا زک وُتقی نسن نیغ زی نَسحارت نسن، وُزا زی نوقحیث نسن نیغ زی نوکاردا نسن.

لمالاک اِجهذ س ودلیس اَمربان

10 وُشا زَرِیغ اِج ن لمالاک اِجهذ، اِهو-د زک وُجنا، ثوغا یارض اَسینو وُشا ناسریت ن ورتار نبد اس خ وُزدچیف وُشا اِعْمَبوب نس اِکا أم نَقوُشت، اِضارن

نَسَّ أُمَّ إِبِيلَارَن ن تَمَسِّي . ٢ اطَّف ذَكَ وَفُوس نَسَّ إِج ن وَذَلَّيسَ أَمْتِيَان يَارْزَم . إِسَارَسَ أَضَار
نَسَّ أَفُوسِي خ زُبْحَار ، أَضَار نَسَّ أَرْزَمَاضَ خ ثُمُورَث ٣ وُشَا إِرَاغَا س جَّهْدَ أَم وَايْرَاد . وُمِي
إِرَاغَا ، أَرِين - د خَاس سَبْعَا ن وَاجَّاجِن س زَحْسَ نَسْن . ٤ أَرْيَمِي كَمَرَن سَبْعَا ن وَاجَّاجِن نِي
أَوَاز نَسْن ، ثُوغَا خَسْغَ أَذْ ثَ أَرْيَغ . ٥ وُشَا سَرِيغَ إِ اِشْت ن ثُمُوجِبَا ثُرَاغَا - د زَكِّي وَجُنَا ٦ "سَيَّ
أَشْمَعِي خ مِين نَّان سَبْعَا ن وَاجَّاجِن ، وَارِث تَارِي شَا . " ٧ لَمَالَاك وَنِي ثُوغَا زَرِيغ ، إِبْدَّ خ
زُبْحَار ذ ثُمُورَث ، إِكْسِي أَفُوس نَسَّ أَفُوسِي غَار وَجُنَا ٨ وُشَا إِجُودْجَ غَار وَنِي إِدَارَن إِ زَبْدَا
قَاغ ، وَنِي إِكْتِنَ أَجُنَا ذ مِين ذَائِسَ ذ ثُمُورَث ذ مِين ذَائِسَ ذ زُبْحَار ذ مِين ذَائِسَ " وَارْتَقِيم
بُو زَوْقْث ! " ٩ أَقَا ذَكَ وَسَّان ن زَحْسَ ن لَمَالَاك وَيسَّ سَبْعَا خَمِي نَتَا أَذْ اِصُوضَ ذِي زَبُوق
نَسَّ ، أَذْ إِكَمَرَّ سَيَّرَن أَرْيِي ، مَامَشْ ثُوغَا إِتْبَارْحَ إِ اِسْمَغَان نَسَّ ، إِمَكَاشَا فَن . ١٠ وُشَا ثُمُوجِبَا إِ
سَرِيغَ زَكِّي وَجُنَا ثَسِيوَز - د غَارِي اِشْت ن ثُوَازَا نَضْنِيثَ " وَبُور ، كَسِييَ أَذَلِيسَ يَارْزَمَن زَكِّي
وُفُوسَ ن لَمَالَاك وَنِي إِبْدَنَ خ زُبْحَار ذ ثُمُورَث . " ١١ وُشَا وَبُورْغَ غَار لَمَالَاك ، تَارَغَ اسَ أَذْ
إِييَ إَوْشَ أَذَلِيسَ أَمْتِيَان . إِنَا إِييَ " كَسِييَ ث ، ثَشِيدَثَ وَشَا أَذْ إِسَارَزَكِّي أَعْدِيَسَ نَكْ ، مَاشَا
ذَكَ وَقُمُومَ نَكْ أَذْ يَزِي ذَ أَمِيْرِيذَ أَم تَامَنَت . " ١٢ نَشَ كَسِيغَ أَذَلِيسَ أَمْتِيَان زَكِّي وَفُوسَ نَسَّ
وُشَا شَيْغَ ث . ثُوغَا - ثَ ذَ أَمِيْرِيذَ ذَكَ وَقُمُومَ إِنُوم ، أَرْيَمِي ثَ شَيْغَ ، يَارْزَكِّي ذَكَ وَعَدِيَسَ
إِنُوم . ١٣ وُشَا نَّانَ إِييَ " إِتْخَصَّ اشْ ثُوَازَا نَضْنِيثَ أَذْ ثَبَارْحَدَ أَوَازَ نَ أَرْيِي إِ وَاطَّاسَ نَ إِيْدُوذَن
ذَ زَكْنُوسَ ذَ إِرْسَاوَنَ ذَ إِجْدِيْجِيذَن . "

ثَنَانِن ن زَشْهُودَ إِ إِبْدَنَ زَاثَ إِ أَرْيِي

11 ١ وُشَا إِمُوشَ إِييَ إِجَ ن وَغَانِيَم ، إِكَّا أَمَ إِجَ ن وَقَطَّابَ ، إِقَارَ " كَار ، ثَعْبَارْدَ ثَاذَارْثَ
إِقْدَسَن نَ أَرْيِي ذَ وَعَالطَارَ ذَ يَتِي ذَائِسَ إِعْبَدَن ! " ٢ أَرْيَمِي وَنِي غَارَ بَارَا نَ ثَاذَارْثَ
إِقْدَسَن ، أَجْ اِثْ ، وَارِثَ ثَعْبَارَ شَا ، مِيَنزِي أَقَا إِمُوشَ إِ زَكْنُوسَ وَشَا نِيْشِييَ أَذْ عَفْسَنَ ثَانَدِيْنَتَ
إِقْدَسَنَ ثَنَانِنَ وَ أَرْبَعِيْن نَ إِيُورَن . ٣ نَشَ أَذْ وَشَغَ ثِيْزَمَارَ إِ ثَنَانِنَ نَ زَشْهُودَ إِنُوم ، أَذْ بَارْحَنَ أَوَازَ
نَ أَرْيِي أَرْفَ وَ مِيْثَانِيْن وَ سَتِيْن نَ وَسَّانَ ، أَرْضَنَ سَ نَحَّانَشْتَ نَ وَشَضَّانَ . " ٤ نِيْشِييَ ذَ ثَنَانِنَ
نَ نَزِيْبُوتِيْن ذَ ثَنَانِنَ نَ زَقَنَادَزَ إِ إِبْدَنَ زَاثَ إِ أَرْيِي نَ ثُمُورَث . ٥ مَازَا ذِيْن شَا نَ إِجَنَ إِيْحَسَ أَذْ
ثَنَ إِهَوْرَ ، أَذْ ثَقَّعَ ثَمَسِّي زَكِّي وَقُمُومَ نَسْنَ وَشَا أَذْ ثَشَ زَعْدِيَانَ نَسْن . مَازَا شَا نَ إِجَنَ إِيْحَسَ
أَذْ ثَنَ إِهَوْرَ ، إِتْخَصَّ اسَ أَذْ اِتْوَانِغَ أَمُوم . ٦ نِيْشِييَ غَارَسَنَ صُلوْطَا مَاحَنَدَ أَذْ قَنَنَ أَجُنَا ، جِيْمَا وَارَ
ذَ إِوْطِي وَتَرَارَ ذَكَ وَسَّانَ مِيْنِيذِي إِ غَا إِبَارْحَنَ نِيْشِييَ . غَارَسَنَ عَاوَدَ ثِيْزَمَارَ خَ وَامَان ، جِيْمَا
أَذْ ثَنَ أَرْنَ ذَ إِذَامَنَ وَشَا أَذْ صِيْحَنَ ثَامُورْثَ سَ مَارَا جَرِيْحَشْتَ مَزْمِي مَآ خَسَن . ٧ خَمِييَ إِ
غَا كَمَرَنَ شَهَادَثَ نَسْن ، أَذْ ذَ إِكَاعَدَ زَوْحَشَ زِي ثَسْرَاْفَتَ نَ ثُمُورْثَ ، أَذْ كِيْسَنَ إِمْتِغَ ، أَذْ

خاسنِ اِغْلَبْ وُشَا اَذْ ثَنْ اِنْعِ. ⁸رُخْشَبَاثْ نَسْنِ اَذْ اِزِيْنْتْ دَكْ وِرِيْدَنْ نَثْنِيْنْتْ ثَامَقْرَانْتْ
 وُيِي قَارَنْ سْ زَمَعْنَا اَرُوْجِي نَسْ ”سُوْدُوْمْ ذِ مِيْصْرَا“، مَايِي نَغِيْنِ اَرِيِي خِ صَالِيْبِ. ⁹وُشَا
 اِنِّي زَكْ اِبْدُوْدَنْ ذِ ثَقْبَارْ ذِ اِسَاوَنْ ذِ زَكْتُوسْ اَذْ تَارَنْ رُخْشَبَاثْ نَسْنِ، وَارْ جِيْنِ اَذْ مَارَسَنْ
 رُخْشَبَاثْ نَسْنِ دَكْ وَنَضَرْ ثُرَاثَنْ وَوَسَانْ ذِ وَزِيْنِ. ¹⁰وُشَا اِمْرَدَاغْ نِ ثُمُوْرْتْ اَذْ زَايَسَنْ
 فَارْحَنْ، اَذْ اِزِيْنِ مَلِيْحِ، اَذْ اَرَزْفَنْ اِجَنْ غَارِ وَنَضْنِي، مِيْزِي ثُنَايْنِ نِ اِمْكَاشَاْفَنْ-اِ ثُوْغَا غَزَانْ
 دَكْ اِمْرَدَاغْ نِ ثُمُوْرْتْ. ¹¹مَاشَا اَوَارِي ثُرَاثَنْ وَوَسَانْ ذِ وَزِيْنِ يُوْدَفْ ذَايَسَنْ اَرُوْحْ نِ ثُوْدَارْتْ
 زِي اَرِيِي وُشَا كَارَنْ، بَدَنْ خِ اِضَارَنْ نَسْنِ وُشَا ثِيْكَوْذِي ثَمْغَارِ ثُوْضَا-دِ خِ اِنِّي ثَنْ اِزِيْرِيْنِ.
¹²وُشَا سَبِيْعِ اِشْتَنْ نِ ثَمِيْجَا ثَجْهَدْ ثُرَاغَا زَكْ وُجْنَا، ثَقَارْ اَسَنْ ”كَاعْدَمْ-دِ ذَا!“، وُشَا نِيْشِي
 كَاعْدَنْ غَارِ وُجْنَا دَكْ وُسِيْنُوْ وُشَا رَعْدِيَانْ نَسْنِ ثُرِيْنِ. ¹³اِذِي ثَسَاعَتْ نِي اِمْسَارِ اِجْ نِ
 وَنَهْزِي نِ ثُمُوْرْتْ ذِ اَمَقْرَانْ. اِشْتَنْ نِ ثَعَشَارْتْ نِ ثَنْدِيْنْتْ ثَهْدَمْ ذِ سَبْعَا اَرَفْ نِ اِسْمَاوَنْ نِ
 اِوْذَانْ مُوْثَنْ سِ وَنَهْزِي-يَا نِ ثُمُوْرْتْ. وَيِ اِقِيْمَنْ دُوْرَنْ كُوْدَنْ اَطَّاسْ وُشَا شُوْعُوْرَانْ زِي اَرِيِي
 نِ وُجْنَا. ¹⁴وُشْتْ، وَيَسْ ثُنَايْنِ ثَعْدُوْ، اَقَا وُشْتْ، وَيَسْ ثُرَاثَا ثُكُوْرْ اَذْ دِ ثَاَسْ.

زَبُوْقْ وَيَسْ سَبْعَا

¹⁵المالاکِ وَيَسْ سَبْعَا اِضُوْضْ ذِي زَبُوْقْ نَسْ وُشَا كَارْتْ ثَمِيْجَاوِيْنِ ثَمِيْمَقْرَانِيْنِ دَكْ وُجْنَا،
 ثُرَاغَانْتْ ”ثَاكْلَدَا نِ دُوْنِيْثْ اَقَا ثُدُوْر-دِ غَارِ اَرِيِي نَعْ وُ غَارِ لَمْسِيْحِ نَسْ وُشَا نَتَا اَذْ اِحْكَمْ اَمْ
 وُجْدِچِيْدِ اِ زَبْدَا قَاع.“ ¹⁶اَرْبَعَا وُ عِيْشِيْرِيْنِ نِ اِمْغَارَنْ، اِنِّي اِقِيْمَنْ خِ زَكَرَاْسِي نَسْنِ زَاثْ اِ
 زَعَارَشْ نِ اَرِيِي، وُضَارَنْ غَارِ ثُمُوْرْتْ سِ وُغَمْبُوْبْ نَسْنِ وُشَا عَبْدَنْ اَرِيِي، ¹⁷قَارَنْ ”نَشِيْنِ
 نَتَقَاذَا شَكْ، اُ سِيْذِي اَرِيِي اَمْرَمَارْ خِ مَارَا مِيْنِ اِدْچَانْ، شَكْ ذِ وَنِي اِدْچَانْ ذِ وَنِي ثُوْغَا
 ذِ وَنِي اِدْ غَا يَاسَنْ، اَقَا ثَكْسِيْذِ جَهْدْ نَكْ اَمَقْرَانْ وُشَا شَكْ اَقَا ثَحْكَمْذِ. ¹⁸زَكْتُوسْ ثُوْغَا
 خِيْتَمَنْ خَاكْ وُشَا لِعَاْضَابْ نَكْ يُوْسِي-دِ وُزَا ذِ زُوْقْتْ جِيْمَا اَذْ ثُوْحَاْسِيْنِ اِمْتِيْنِ وُزَا جِيْمَا
 اَذْ ثَمُوْشْ زَمُوْثْ اِ اِسْمَغَانْ نَكْ اِمْكَاشَاْفَنْ وُشَا اِمْقَدَّاسَنْ ذِ مَارَا اِنِّي اِتْكَوْذَنْ اِسْمِ نَكْ،
 اِمْرِيَانَنْ ذِ اَمَقْرَانَنْ، اَقَا ثِيُوْضْ-دِ زُوْقْتْ اَذْ ثَارِيْذِ اِنِّي اِتَارِيْيَنْ ثَامُوْرْتْ.“ ¹⁹تُوْرزَمَنْتْ ثِيُوُوْرَا نِ
 ثَاْدَارْتْ اِقْدَسَنْ نِ اَرِيِي دَكْ وُجْنَا اَزَامِي اِتُوْازَارْ صَنْدُوْقْ نِ زَعَاھَدْ نَسْ وُشَا كَارَنْ وَاسْمَانْ
 ذِ ثَمِيْجَاوِيْنِ ذِ وَاجَاجَنْ وُزَا ذِ اَنْهْزِي نِ ثُمُوْرْتْ ذِ وُسْمِيْضْ سِ وُبُرُوْرِي اِمْغَارِ.

ثَامَغَارْتْ ذِ زُهَائِيْشْتْ

12 اِخْنِي ثِتُوْازَارِ اِشْتَنْ نِ زَعْرَامْتْ ذِ ثَامَقْرَانْتْ دَكْ وُجْنَا، اِشْتَنْ نِ ثَمَطُوْثْ
 ثِيَارِضْ ثَقُوْشْتْ، ثَاْزِيْرِي سَاْدُوْ اِضَارَنْ نَسْ وُشَا غَارَسْ خِ وُزْدِجِيْفِ اِشْتَنْ نِ

ثَمْرِيسْت س ثَعاش ن اِثْران .² تُوغا ثَكْسِي دَيْسْت، ثَسْعُويس زُوْجاع ذِ نُزْبَار ن ثاروا .
³ خَبِي تَنوَاثَر اِشْت ن زَعْرامْت تَضْيِي ذَكْ وُجْنا، اَقَا ذِين اِشْت ن زَهايشْت ثامقْرانْت
 نازِكوْغاث اَمْ ثَمْسِي، غارس سَبعا ن اِزْدَجِيْفِن ذِ عَشْران و اِشاوْن وُشا خ اِزْدَجِيْفِن نَس
 سَبعا ن ثَمْرِيسِيْمِن .⁴ س وُكْناَس نَس ثَفارَض زَايس اِشْت ن ثُوْزُوْت ن اِثْران زَكْ وُجْنا،
 ثَسْتَرَايَض اِثْن غار ثُمورْت . زَهايشْت تُوْغا ثَبْد زَاث اِ ثْمَطُوْت اِ غا يازون، جِيْما اَد
 ثَصارَض اَحْنَجِيْر نَس خَمِي ت-يَد غا نازُو .⁵ وُشا تُوْزُوْد-اَحْنَجِيْر وِنِي اِ غا اِحْكَمِن خ
 مارا زَكْنوس س وُزْدَجاض ن وُزاز . اَحْنَجِيْر نَس اِمْكِسِي ذَغيا غار اَرْبِي وُ غار زَعارَش
 نَس .⁶ ماشا ثامطُوْت ثاروز غار زَخْرا، غار ماني تُوْغا ذ اس اِكْا اَرْبِي اَمْشان جِيْما اَد اس
 سَشْن زَقْد ن وازف وُ مِيثان وُ سَتِيْن ن وُساَن .⁷ وُشا اِكْار وُمنغِي ذَكْ وُجْنا . مِيخايِل
 ذ لَمالاكاث نَس مَنغْت اَكْ-ذ زَهايشْت وُشا زَهايشْت ذ لَمالاكاث نَس مَنغْت عاوذ
 اَكِيْس،⁸ ماشا وار جِهِيْدنْت شا وُشا وار اِثويف عاذ وْمشان نَسْن ذَكْ وُجْنا .⁹ ثَمَنْضار
 زَهايشْت ثامقْرانْت، نَتَاث ذ اَوِيغار وِنِي تُوْغا زِيش، قَارن اس اِپْرِيْس نِيغ شَيْطان، وِنِي
 اِغْكوْان مارا دُوْنِيْت، اَقَا اِمَنْضار خ ثُمورْت وُشا لَمالاكاث نَس مَنْضارنْت اَكِيْس .¹⁰ وُشا
 سَزِيغ اِشْت ن ثُمِيْجا ذَكْ وُجْنا تَقار س جَهْد ”اَقَا يُوْسِي-د وُسَنجْم ذ جَهْد ذ ثُكْلَذِيْت
 ن اَرْبِي ذ صُوْطان لَمْسِيْح نَس، مِيْنَزِي وِنِي اِضْرَمْن اَيْشامْتَنغ، وِنِي اِثْن اِضْرَمْن اَزِيْر ذ
 دَجِيْرْت، اَقَا اِمَنْضار .¹¹ اِغْلَبْن ث س اِذاْمَن ن اِزمار ذ وازان شَهاذْت نَسْن وُشا نِيْثِي
 وار سَعِيْرَن شا ثُوْدارْت نَسْن اَز زَمُوْت .¹² خ وُيْنِي، فارحْم اِجْنوْان ذ يْنِي ذايْسِن اِزْدَعْن!
 وُشْت خ ثُمورْت ذ زَبِحار، اِپْرِيْس اَقَا اِهو-د غاروم س ثَفقاحْت نَس اِمعارن اَطاس،
 مِيْنَزِي نَتَا اِسْن بَلِي زَوْقْت نَس اَقَا يُوْص-د!“¹³ اِزْمِي زَهايشْت تُوْفا اِخْف نَس ثَمَنْضار
 غار ثُمورْت، ثَضْفار ثامطُوْت اِ ذ يُوْزون اَحْنَجِيْر .¹⁴ موشن اس اِ ثْمَطُوْت ثنان ن وافرِيون
 ن وُتَضْيُو اَمقْران جِيْما اَد ثَضُو غار وْمشان نَس ذِي زَخْرا، ماني اَد اس سَشْن اِحْج
 ن وَاكُوْذ ذ اِكُوْذ ن وَزِيْن ن وَاكُوْذ ن زَوْقْت، ماني وار ت اِزَار وُفِيغار .¹⁵ اَفِيغار
 اِسُوْسَف خ ثْمَطُوْت زَكْ وُقْمُوْم نَس، اِكْا اِشْت ن زَحْمَرْت ن واما ن اَم اِغْزار، جِيْما
 اَذ ت يابوِي اِغْزار .¹⁶ ثامورْت نَعاون ثامطُوْت وُشا ثامورْت نازِم اَقْمُوْم نَس، ثَحْرُو
 اِغْزار وِنِي اِ ذ اِسُوْسَفن زَهايشْت زَكْ وُقْمُوْم نَس .¹⁷ وُشا زَهايشْت ثَخِيْق اَطاس خ
 ثْمَطُوْت وُشا ثُوْبور جِيْما اَد ثَمْنغ اَكْ-ذ اِنِي اِقِيْمِن زِي نازاوْت نَس وُشا اَكْ-ذ اِنِي
 اِتَطْفَن ذِي ثُوْصا ن اَرْبِي وُ ذِي شَهاذْت ن يَشُو لَمْسِيْح .

زوخش زي زبحار

13 اوشا ذورغ اذ بدغ خ اجزي غار نما ن زبحار. وُشا زريغ اج ن زوخش
 اِكَاعَد-د زي زبحار، غارس عشارن و اشاون ذ سيعان اِزْدَجِيغِن. خ و اشاون نس
 عشارن ن ثمر يسيين وُشا خ اِزْدَجِيغِن نس يوران خاسن اسماون ن تكفير. زوخش اِزْريغ،
 ياروس ذك وُغيزاس، اِضارن نس ام اِضارن ن وُسو، اَخْنَفُوش نس ام وُخْنَفُوش ن وايراد.
 زهايشت توش اس جهذ نس ذ زعارش نس وُزا ذ صولطا اِغمارن. اِجَن زك اِزْدَجِيغِن
 نس اِكَا اَحْمِي اِكْرَم اَز زموث، خني ايزيم نس اِاِكْن اَحْمِي ايزم اَز زموث اِتِوَا سَكْنِفا وُشا
 مارا ثامورث ثچار دايس، ثضفار زوخش. اَقَا نِيْتِي عْبَدَن زهايشت ني مينزي نتاث توشا
 صولطا اِزْوخش، وُزا ذ نيشتي عْبَدَن زوخش، قارن ”مان ون ياروسن ذي زوخش ذ مان ون
 اِزِمَارَن اَذ كيس اِمعازن؟“ اِمُوش اس وُقْمُوم، اِتْكَ اِخْف نس اِغمار، اِتْشَقَاف ذي اَرَبِي،
 ثموش اس صولطا حيمما اذ اِمعازا اَكيس اَرَبِيغِن ن اِيورن. وُشا نِنَا يازرم اَقْمُوم نس حيمما
 اذ اِشَقَف ذي اَرَبِي وُشا حيمما اذ اِشَقَف ذك اِسْم نس وُ ذي تَرْدِيغَت نس وُزا ذي مارا
 اِنِي اِزْدَغَن ذك وُجَنَّا. اِمُوش اس اذ اِمعازا اَك-ذ اِمَقْدَاسَن، اذ خاسن اِغَلَب. ثموش اس
 صولطا خ كوز ثاقببش وِينُود ذ اِزَس ذ زَكْس وُشا مارا اِنِي ثوغا اِزْدَغَن ذي ثمورث
 اذ ث عْبَدَن، كوز اِجَن ونِي وُمِي وار يوري اِسْم نس ذك وذلپس ن ثوذارت ن اِزمار ونِي
 وُمِي غارصن زك وامي ثنواك ثونيش. ونِي غار اِذْجَا اِمزُوعَن اذ اِسز. ونِي اِسِيْدِن غار
 زحيس اذ ياذف غار زحيس، ذ ونِي اِنِغِن س سِيْف اِثْحَصَّ اس اذ اِتِوَانِغ س سِيْف. مان
 ايا ذ صبار ذ لايمان ن اِمَقْدَاسَن.

زوخش زي ثمورث

11 وُشا زريغ اج ن زوخش نَضْنِي اِكَاعَد-د زي ثمورث، ثوغا غارس نثاين ن و اشاون اَمَشِنَاو
 اِنِي ن اِزمار وُشا اِسُوَر اَمَشِنَاو زهايشت. 12 ثوغا اِحْكَم زاتس س مارا صولطان ن زوخش
 اَمزِوَارُو، يار-د ثامورث ذ اِمزِداغ نس مارا اذ عْبَدَن زوخش اَمزِوَارُو ونِي اِكْتَفَان زك وُيَزِيْم
 نس اِاِكْن اَحْمِي اِكْرَم اَز زموث. 13 زوخش ويس نثاين اِتْكَ زَعْرَامَاث ثِيْمَقْرَانِيْن اَز د اِسْهَوا
 ثِيْمَسِي زك وُجَنَّا خ ثمورث قيباتش اِثِيْطَاوِيْن ن اِوْذَان. 14 اذ اِغِوا اِنِي اِزْدَغَن ذي ثمورث
 س زَعْرَامَاث اذ اس اِمُوشِن حيمما اذ ثن اِتْكَ قيباتش اِزْوخش اَمزِوَارُو، وُشا اِقَار اِنِي اِزْدَغَن
 ذي ثمورث اذ كارن اذ سَبْدَن زَحِيَاَز (=ثِيْمَثَال) اِزْوخش اَمزِوَارُو، ونِي وَاخَا ثوغا اِكْرَم س
 سِيْف وُشا اِدَار-د عاوذ. 15 اِمُوش اس اذ اِكْت اِج ن اِرُوْخ اِزْوخش اَمزِوَارُو، حيمما اذ اِسُوَر
 زَحِيَاَز (=ثِيْمَثَال) ن زوخش وُشا اذ اِكْت بلي مارا اِنِي وار اِعْبَدَن شا زوخش اذ تِوَانِغ. 16 اذ

اَكْبَ بَلِّي مَارَا، اِمْرِيَانَن ذِ اِمْقَرَانَن وُزَا ذِ اَيْتَابَن نِ وَاكْرَا ذِ اِمْرَضِ نِيغِ اِحُورِيِيَن ذِ اِسْمَعَانَن، اَذِ كَسِيِنَن تِيكْسَتِ ذِكْ وُفُوسِ نَسْنِ اَفُوسِي نِيغِ خِ ثِنْيَارْتِ نَسْنِ¹⁷ وُشَا وُزَا ذِ اِحِ وَا اِزْمَارِ اَذِ اِسْمَعِ نِيغِ اَذِ اِزْنِ مَغِيَرِ وِنِي غَارِ اِدْجَا تِيكْسَتِ ذِ يِيَسْمِ نِ زُوحْشِ نِيغِ نُومُرُونِ يِيَسْمِ نَسْ. ¹⁸ دَانِيثَا ثُدْجَا تِيغِيَتِ: وِنِي غَارِ اِدْجَا وُزْدُجِيَفِ، اِزْمَارِ اَذِ اِسْنِ نُومُرُونِ زُوحْشِ، مِيَنِيَزِي نَتَا ذِ نُومُرُونِ اِحِ نِ بِنَادَمِ وُشَا نُومُرُونِ نَسْ ذِ سَتَا مِيَا وُ سَتَا وُ سَتِيِنِ.

اِزْمَارِ ذِ مِيَا وُ اَرْبَعَا وُ اَرْبَعِيِنِ اَرْفِ

14 وُشَا زُرِيغِ اِزْمَارِ اِبْدَخِ وَذَرَارِ نِ سِيِيُونِ، اَكِيَسِ مِيَا وُ اَرْبَعَا وُ اَرْبَعِيِنِ نِ اَرْفِ وُشَا غَارَسِنِ خِ ثِنْيَارْتِ نَسْنِ اِسْمِ نَسْ ذِ يِيَسْمِ نِ بَابَاَسِ. كَرْخُدْنِي سَرِيغِ اِشْتِ نِ ثُوِيَجَا ثُوِيَسِي-دِ زَكْ وُ جِنَا اَمَّ زَحْسِ نِ وَاطَاَسِ نِ وَاْمَانِ وُشَا اَمَّ زَحْسِ نِ وَا جَا جِ اَمْقَرَانِ. زَحْسِ اِسْرِيغِ ثُوغَا اَمْسِنَاوِ اَيْثِ نِ هَارِبَا اِتِيَرَانِ ذِي هَارِبَاتِ نَسْنِ. اَقَا نِيشِي غَنْجِنِ اِحِ نِ اِزْرِي نِ جَزِيذِ زَاثِ اِ زَعَارَشِ ذِ زَاثِ اِ اَرْبَعَانِ اِمْدَارِنِ ذِ اِمْعَارِنِ. مَاشَا اِزْرِي-يَا وُزَا ذِ اِحِ وَا اِزْمَارِ اَذِ اِ اِزْمَدِ مَغِيَرِ مِيَا وُ اَرْبَعَا وُ اَرْبَعِيِنِ نِ اَرْفِ نِ اِنِي اِتُوَاَسْلَكِنِ زِي ثُمُورْتِ. ⁴ اِنَا ذِ اِنِي وَا اِحِيحِنِ اِحْفِ نَسْنِ اَكْ-ذِ ثَمْعَارِيِنِ، مِيَنِيَزِي نِيشِي ذِ اِعْرِيِيِنِ اِمَزْدَاكْتِنِ. نِيشِي ضَفَارِنِ اِزْمَارِ مَانِيَسِ مَا اِكَا، اَقَا تُوَاَسْلَكِنِ زَكْ اِوُذَانِ اَمَّ اِمْنَا اِ اَرْبِي ذِ اِزْمَارِ. ⁵ اَقَا وَا اِثُوِيَفِ شَا زَعْمَشِ ذِكْ وُ قَمُومِ نَسْنِ، اَقَا وَا ذَايَسِنِ بُو زَعِيَبِ قِيْبَاتِيَشِ اِ زَعَارَشِ نِ اَرْبِي.

تَرَاتَانِ لِمَالَاكَاتِ

⁶ وُشَا زُرِيغِ اِحِ نِ لِمَالَاكِ نَضْنِي ثُوغَا اِطَاوِ ذِي زُوَسْطِنِ وُ جِنَا، غَارَسِ زَخْبَارِ اَصْبَحَانِ اِزْبَدَا حِيْمَا اَذِ زَايَسِ اِبَارْحِ اِ اِنِي اِزْدَغِنِ ذِي ثُمُورْتِ، اِكُوَرِ زَكْسِنِ ذِ ثَقِيْبَتِيَشِ ذِ يِيَرَسِ ذِ وِيْدُوذِ، ⁷ وُشَا اِزَاغَا سِ جَهْدِ "كُوْدَمِ اَرْبِي، وُشَمِ اَس-دِ اَعُوْدْجِي، اَقَا ثَاَسَاعْتِ نِ لِحِيَسَابِ نَسْ ثِيُوَض-دِ، عَنبَلَمِ اِ وِنِي اِكْتِيِنِ اَجَنَّا ذِ ثُمُورْتِ ذِ زَحْبَارِ ذِ نَاَزَاوِيِنِ وَاْمَانِ." ⁸ وُشَا وَنَضْنِي، اِحِ نِ لِمَالَاكِ وِيَسْ ثَرَاتَانِ، اِضْفَارِ اِثِ، اِقَارِ "اَقَا ثُوَضَا ثُنْذِيَنِ نِ بَابِيْلُونِ ثَامْقَرَانْتِ اِحِيحِنِ اَذِ سُونِ مَارَا زَكْسُونِ زَكْ وَاْمَانِ نِ وُضِيَرِ نِ ثَفْقَاحْتِ نِ ثُوَقْحِيِيَتِ نَسْ." ⁹ وُشَا وَنَضْنِي، اِحِ نِ لِمَالَاكِ وِيَسْ ثَرَاتَانِ، اِضْفَارِ اِثِنِ وُشَا اِزَاغَا سِ جَهْدِ "وِنِي اِغَا اِعْبَدِنِ زُوحْشِ ذِ زَخْبَارِ نَسْ ذِ وِنِي اِغَا اِكْسِيِنِ تِيكْسَتِ خِ ثِنْيَارْتِ نِيغِ ذِكْ وُفُوسِ نَسْ، ¹⁰ ذِ نَتَا اَذِ اِشُو عَاوُذِ زَكْ وَاْمَانِ نِ وُضِيَرِ نِ ثَفْقَاحْتِ نِ اَرْبِي وِنِي اِسُوَجْدِنِ ثَبْرَا اَخْدُجَضِ ذِكْ وُ غَارَاَفِ نِ لِعَاَضَابِ نَسْ وُشَا اَذِ اِتُوَاعَدَبِ سِ ثَمْسِي ذِ زَشْبَارِيَتِ قِيْبَاتِيَشِ اِثِيْطَاوِيِنِ نِ لِمَالَاكَاتِ اِقْدَسِنِ نِ اِزْمَارِ،

طَوايا نَسْ ذَكَّ إِعْرَارِ نِ وَفِرَاتِ وَشَا وَزَّرَعْنَ وَامَانَ نَسْ، أَرَامِي إِسْوَجَذْ أَبْرِيذْ إِاجْذِجِيذَنْ إِئِي إِ
 د غا ياسن زي ماينيس د نَتَقَّارِ تَمُوشْت. ¹³ خَنِّي زَرِيغ، أَقَا فَعْن-د زَكَّ وَخَنْفُوش ن زَهَائِشْت
 وَ زَكَّ وَخَنْفُوش ن زَوْحَشْ وَ زَكَّ وَقُمُوم ن وَ مُكاشافِ إِسْحارِيَقَنْ نَرَّان ن زارياحِ إِمَنْكَاسِ
 أَمَشْناوِ إِاقارِقَريون. ¹⁴ نِيئِنِّي ذ زارياح ن شِواطنِ إِئِي إِتَكَنْ زَعْرَماثِ وَشَا فَعْن-د غارِ إِجْذِجِيذَنْ
 ن دُويْتِ مارا، اَذْ تَنْ سَمُونِ إِوْمَنْغِي ذَكَّ وَاسِ أَمَقْرانِ نِ أَرَبِّي أَمَرْمارِخِ مارا مِينِ إِدْچان.
¹⁵ ”خَرَّار، نَشْ اَذْ دِ اسْغِ أَمَشْناوِ أَشْفار! سَعْدَنْ وَنِي إِ غا اَقِيْمَنْ إِفاق، وَنِي اَذْ إِحْضَا أَرُوضِ
 نَسْ جِيما وارِ إِكُورِ ذْ أَعارِيانِ وَشَا وارِ إِتِوارِزارِ وَصُضْجِي نَسْ.“ ¹⁶ إِسْمُونِ إِئِنْ غارِ وَمَشْانِ
 وَبِي تَرِغانِ سِ نَعْبيرانِيثِ ’هارِمِيكِيئِدُون‘. ¹⁷ خَنِّي لَمالاکِ وَيَسْ سِعا إِفارِغِ طَوايا نَسْ خِ
 زَعُوينِ وَشَا تُوَسِي-دِ إِشْتِ نِ تَمِيحْا سِ جَهْدِ زِي نَأْدارْتِ إِقْدَسَنْ ذَكَّ وَجَنَّا زِي زَعارِشِ،
 نَقَّارِ ”أَقَا تَمَجْرَا.“ ¹⁸ وَشَا ضَفارَنْ-ثِ يَدِ-واشامَنْ ذِ تَمِيحْاويَنْ ذِ وَاجْجَنْ وَشَا إِسارِ إِجِ
 نِ وَنَهْزِي نِ تَمُورْتِ ذِ أَمَقْرانِ، وارِ تُوغِي أَمِ نَتَّا زَكَّ وامي إِدْچا بِنادَمْ ذِي تَمُورْتِ، أَنَهْزِي
 نِ تَمُورْتِ إِمغارِ أَنَشْت. ¹⁹ تانَديَنْتِ تَامَقْرانْتِ تَوْضَا تَبْضَاخِ نَرَّان نِ نَسْقارِ وَشَا مارا تِينْدَامِ
 نِ زَكْنُوسِ هَذَمَنْتِ. أَقَا أَرَبِّي إِعْمَزْخِ بَايِلُونِ تَامَقْرانْتِ جِيما اَذْ اسِ إِوَشِ أَغارافِ نِ وِامانِ
 نِ وَضِيَرِ نِ تَفْقاَحْتِ نِ لِعاضابِ نَسْ. ²⁰ نِيكْزِيرِيَنْ مارا أَرُوزَنْتِ، وارِ تُوَيَفِيَنْ شَا إِدُورارِ.
²¹ تَوْضاد-تَبْرُورِي زَكَّ وَجَنَّاخِ إِوْدانِ سِ إِبْقُوقَنْ إِمَقْرانَنْ أَطاسِ، تُوغا ضَقْرَنْ سَنْ أَنَشْتِ نِ
 إِشْتِ نِ ”تالْتِ“ (=عِزاَحازِ 35-40 كِيلُو). وَشَا إِوْدانِ شَقْفَنْ ذِي أَرَبِّي خِ جَرِيحِشْتِ نِ
 تَبْرُورِي-يا مِينِزِي جَرِيحِشْتِ نَسْ تُوغا تَمْعارِ أَطاسِ.

تاشعارت ذ زَوْحَشْ

17 ¹ وَشَا تُوَسِي-دِ إِجَنْ زِي سِعا نِ لَمالاکاتِ إِئِي غارِ إِدْچا سِعا نِ طَواياثِ، إِنا
 أَيِي ”اس-د، اَذْ اشِ سَشْنِغِ زَحُومِخِ زَقْحبا نَأْوارْتِ إِ اَقِيْمَنْ خِ وِاطاسِ نِ
 وِامانِ، ² فَنِّي أَكْ-ذِ قَحْبِنْ إِجْذِجِيذَنْ نِ تَمُورْتِ وَزَا ذِ إِمَزْداغِ نِ تَمُورْتِ، سَشارَنْ سِ سِينُو
 نِ تُوَقْحِيْبْتِ نَسْ.“ ³ اِنْدَهْ أَيِي ذِي أَرُوحِ غارِ إِجِ نِ وِمشانِ إِخْزانِ. زَرِيغِ إِشْتِ نِ تَمَطُوثِ
 نَبْياخِ إِجِ نِ زَوْحَشِ أَرْكَوْغِ إِ اِشْورَنْ سِ إِسْماونِ نِ تَكْخِيرِ ذِي أَرَبِّي وَشَا تُوغا غارِ
 سِعا نِ إِزْدِجِيْفَنْ ذِ عَشْرانِ وِاشاونِ. ⁴ تُوغا تَامَطُوثِ تَبارِضِ تاقَنْدُورْتِ نازِ كَواعْثِ تَحْذِقِ،
 تَقَنْ سِ وَرْغِ ذِ وِذَمامِ ذِ تَبْياقُوثِيَنْ. غارِ سِ ذَكَّ وَفُوسِ نَسْ إِجِ نِ وَغارافِ نِ وَرْغِ إِشْورِ سِ
 نَعواثِ ذِ إِنجانِ نِ تُوَقْحِيْبْتِ نَسْ. ⁵ إِتِوارِي خِ تَبْيارْتِ نَسْ إِجِ نِ بِيَسَمْ ’مِيَسْشِيرِيُونِ، بَايِلُونِ
 تَامَقْرانْتِ، تايِماتِ نِ زَقْحابِ ذِ مارا نَعواثِ نِ تَمُورْتِ“. ⁶ وَشَا زَرِيغِ تَامَطُوثِ تَسْشارِ
 سِ إِدامَنْ نِ إِمَقْداسَنْ وَ سِ إِدامَنْ نِ إِئِي إِشْهَدَنْ خِ يَشُو. أَرَامِي تِ زَرِيغِ، تَبْهَنْغِ أَطاسِ.

7 ماشا لمالاك انا ابي ”ماييي تبهنذ؟ نش اذ شك ساركبغ سير ن ثملوط ذ زوحش وني ت يارئون ذ وتي س سبعا ن ازدجيفن ذ عشرا ن واشاون. 8 زوحش ا تيريد ذ وني ثوغا اذجان ذ وني وار اذجين، عاذ اذ اكار زي زادچاغ ن ثمورث، اذ اودار. اذ تبهشن امزداغ ن ثمورث، اتي اسم نسن وار اوار ي شا ذك وذيلىس ن ثودارث زك وامي ذ ثفغ دونهث. اذ تبهشن خمي ا غا زارن زوحش وني ثوغا ذ وني وار اذجين، عاذ اذ بيبي. 9 اقا ذا زعفر ا غار اذجا زفهامت: سبعا ن ازدجيفن اقا ذ سبعا ن اذورار اخف ثقيم ثملوط. 10 عاوذ خسن اذ اين سبعا ن اجدجيدن، خمسا زائسن وضان، اجن اقا اذجا عاذ ذ ونضني اقا-ث عاذ وار ذ يوسي. مازا نتا اذ د ياس، ائخص اذ اقيم ذروس ن زوقث. 11 وشا زوحش وني ثوغا اذجان ذ وني وار اذجين، اقا نتا س بيخف نس ذ ويس ثمنيا، اذ افغ زي سبعا ني وشا اذ اودار. 12 وشا عشرا ن واشاون ا تيريد، اقا ذ عشرا ن اجدجيدن، عاذ وار غارسن بو ثكلذيث، ماشا اذ طفن صولطان اجدجيدن زقدن اشث ن ثساعت اذ ذ زوحش. 13 نيثني غارسن اراي اذ اجن، اذ وشن جهذ نسن ذ صولطان نسن ا زوحش. 14 اذ مغن اذ-ذ ازمار وشا ازمار اذ خاسن اعلب مينزي نتا ذ سيدي ن اسيديش ذ وجدجيدن اجدجيدن وشا اتي اكييس اذجان، اقا نيثني ذ امزاغان ذ امخطارن ورا ذ اصديقن. 15 انا ابي ”سك تيريد امان ا غار ثقيم زقجا، اقا-ثن ذ ايدودن ذ وبارون زعاشي ذ زكنوس ذ ازااون 16 وشا عشرا ن واشاون ا تيريد ذي زوحش، نيثني اذ شارهن زقجا، اذ ت كن وخذس ذ ثاعريانت، اذ شن ايسوم نس، اذ ت سشمضن س ثمسي. 17 اقا اربي اوش اسن ذك وراون نسن، حيجا اذ كن نيث نس ن زوحش س اراي اذ اجن، اذ وشن تاكلايذ نسن ا زوحش ازا غا ثواكمزن اوازن ن اربي. 18 نامطوث ا تيريد نتاث ذ ثاندينت ثامقرانت ثني غار ثذجا ثكلذا خ اجدجيدن ن ثمورث.“

اوطنون بابيلون

18 اوارني اس زربغ اچ ن لمالاك نضني اهكواد-ذ زك ووجنا، غارس صولطا ثامقرانت. طيان وعودجي نس ثكا ثيفاوث كوزشي ا ثمورث. 2 نتا ازاغا س اشث ن ثميحا ثجهذ اطاس ”اقا ثوضا، ثوضا بابيلون ثامقرانت، ثوذو ذ ثازديغث ن شواطن ذ زحبس ا كوز اراياح امكنوس ذ زعفر ا كوز اجضيض امكنوس وار اذجين، 3 مينزي مارا زكنوس سوين زك واما ن ووضي ن ثفقا حث ن ثوقحيث نس، ورا ذ اجدجيدن ن ثمورث اقا قحبن اكييس وشا اسبابن ن ثمورث ذوزن ذ ثواجار س جهذ ن وقيش ن واكرا نس.“ وشا سربغ ثميحا نضني ثواغاد-ذ زك ووجنا ”فغ-ذ زائس زي ثاندينت-ا، ايدوذ انو،

جیما وار ایتیزی دُوب نَس خ پیړي نك وُشا وار تَرْقَف شا ذِي جَرایح نَس اَكیس، مینزې دُوبات نَس اَقَا كَاَعَدَنَت، اِوَضَن غار وُجَنَّا وُشا اَرَبِّي اَقَا اِعْمَزَ رَفَضَايَح نَس. ⁶ اَرَم-د خاس اَم مامَش نَتَاث تَارَا وُشا اَرَم-د خاس س ذُوبِل عَلاَحَسَاب رَخَدَايَم نَس. اَعَارَاَف وَنِي تُوْغَا تُحَدَجِضَد، خَدَجِض اس ث س ذُوبِل. ⁷ مَشْحَاز مِیْن تُوْغَا تُفَیْش اِحْف نَس وُشا نَدَار دَك وُفَیْش، اَنَشَت وُیا عَدَبَم ت وُشا اَرَم اَس-د اَشْضَان. مینزې نَتَاث تَقَار دَك وُر نَس 'اَقَا قِیْمَغ اَم تُجَدَجِیْذَت، نَش وار دَجِیْغ د نَاجَاتِیْش وُشا اَشْضَان وار ث تَارَغ شا'. ⁸ ح وُیْنِي دَك اِح ن وَاَس اَذ خاس وُضانت مارَا جَرایح نَس: زَمُوْث، اَشْضَان د زَار وُشا اَذ تُتَوَاَسَشَمِض س تُمَسِّي، مینزې سِیْذِي اَرَبِّي اِحْجَد، اَقَا نَتَا ذ وَنِي خاس اِحاسِن. ⁹ اِحْدَجِیْذَن ن تُمُوْرث اِنِي كِیْس اِحْحِن، اِنِي اِدَارَن دَك وُفَیْش، اَذ خاس رُون، اَذ خاس وُتَن اِبْجَدُوْر خُمِي اِغَا تَارَن دَخَان ن تُمَسِّي نَس، ¹⁰ اَذ بَدَن غار زَاكُوْج زِي تُكُوْذِي ن وُعَدَب نَس، قَارَن وُشَت، وُشَت، اَشْم اَنَانِیْذِنَت ثَامَقْرَانَت، بَابِلُوْن، اَشْم اَنَانِیْذِنَت اِحْجَدَن، مینزې اَقَا تُوسِي-د زَحَكَاْمَث تَم دَك اِشْت ن تُسَاعَث. ¹¹ وُزَا د اِسْبَايْن ن تُمُوْرث اَذ خاس رُون، اَذ اَشْضَنَن، مینزې وُزَا د اِح وار اِسْبِیْغ عَاذ سَزَعَث نَسَن، ¹² سَزَعَث ن وُرْغ د تُوْقَارَت د وِذْمَاَم بِيْغْرَان د تُبَاقُوْثِیْن د ذَفِیْن اِفْسُوْسَن د اَرْجُوْوَانِي د زَحْرِیْر اَزْ كُوْغَا د وُكَشُوْض اِتْفُوْحَن د زَقَشُوْع ن اَشْمِیَوْن زَبِیْز د زَقَشُوْع زَك وُكَشُوْض اِغْرَان د نَحَاَس د وُزَاَز د زَمَارْمُوْر ¹³ اَذ زَقَارْفَا د زَبِیْخُوْر د زَفُوْحَت ن مِیْرُوْ د جَلَاوِي د بِنُوْ د زَشْت ن زَبِیْوْن د اَرَن ن سَمِیْذ د بِيْرَدَن د زَمَاَز د وُذَجِي د بِيْسَان د اِكَاْرُوْتَن د اَزِیْمَاَث د زَعْمُوْر ن اِدْوَان. ¹⁴ اَقَا زَعِیْدَجِث اِوْغَا د مَوْرِي ن زَعْمَار تَم، اَقَا تُكُوْج خَام وُشا مَارَا مِیْن تُوْغَا غَارَم د اَكْرَا د مِیْن اِتِیْسِیْقَن، اَقَا اِوْدَار، وار اِثُوْبِيْغِي عَاذ. ¹⁵ اِسْبَايْن ن مَان اَيَا مَارَا، اِنِي اِدُوْرَن د تُوَاَجَار زَايِس، اَذ قِیْمَن غار زَاكُوْج زِي تُكُوْذِي ن وُعَدَب نَس، اَذ رُون اَذ اَشْضَنَن، ¹⁶ قَارَن وُشَت، وُشَت خَام، اَنَانِیْذِنَت ثَامَقْرَانَت اِیَارِضَن زَقَطَان اِفْسُوْسَن د اَرْجُوْوَانِي د اَزْ كُوْغَا، تُقَن س وُرْغ د وِذْمَاَم د تُبَاقُوْثِیْن، ¹⁷ اَس مِیْنزِي دَك اِشْت ن تُسَاعَث اَقَا اِوْدَار وَاكْرَا اَمَقْرَان نَس!؛ مَارَا اِنِي اِنْدَهَن اِغَارُوْبَا د مَارَا اِنِي اِتْسَارَان خ تُمَا ن زَبْحَار (س زَبَاشَن) د اِبْحِرِیْن د مَارَا اِنِي اِحْدَمَن ذِي زَبْحَار، بَدَن غار زَاكُوْج ¹⁸ وُشا اَزَامِي زُرِیْن دَخَان ن تُمَسِّي ن تُنْذِیْنَت، زَاغَان 'مِیْن اِزْمَارَن اَذ اِمَقُوْدَا اَك-ذ تُنْذِیْنَت ثَامَقْرَانَت نِي؟' ¹⁹ نِیْشِي شُوْبِیْسَن ثَاعَاَجَاَث خ اِزْدَجِیْفَن نَسَن وُشا سَعُوْبِن، اَم تُرُوْن وُ شَطْنَن، قَارَن وُشَت، وُشَت، اَنَانِیْذِنَت ثَامَقْرَانَت، تُبِي ذَايِس - س وُبَارُوْن وَاكْرَا نَس - دُوْرَن د تُوَاَجَار مَارَا اِنِي غَار اِدْچَا اِغَارُوْبَا ذِي زَبْحَار، مینزې دَك اِشْت ن تُسَاعَث اَقَا تُوْدَار. ²⁰ اَجَنَّا، فَاْرَحْت خاس وُزَا زَا د كَنِیُوْ د اِمَقْدَاَسَن د اِمَاَزَانَن د اِمَكَاَشَاْفَن، مینزې اَرَبِّي اَقَا اِفْع-د زَحَكَاْمَث نَس خاس. ²¹ وُشا اِح ن لَمَالَاك اِحْجَدَن اِكْسِي اِح ن وُرُوْ اَمَقْرَان اَنَشْت ن تُصْضَارَت ن تُسِیْرَت،

انْضارِثْ ذِي زَبْحَارِثْ وَشَا إِنَّا²² ”أَمُوَسْ جَهْدْ أذْ ثَمْنَضَارِثْ بَايِلُونْ، ثَانْدِينْتْ ثَامْقَرَانْتْ وَشَا وَارِثْ تَوَيْفْ عَاذْ“.²² زَحْسَنْ نْ أَيْثْ نْ هَارِبَا ذِ إِمْدِيَارِثْ ذِ يَبِّي إِيْتِيرَارِثْ ثَامَجَا ذِ يَبِّي إِنْصُوصَنْ ذِي زَبُوقْ وَارِثْ أَوَاسَرْ عَاذْ دَايِمْ وَشَا كُورْ إَجَنْ وَنِي إِتَكَنْ صَنْعَتْ نَضْنِيثْ وَارِثْ إِيْوَيْفْ عَمَارِصْ دَايِمْ وَزَا ذِ دَرِيزْ نْ نَسِيرِثْ وَارِثْ أَوَاسَرْ دَايِمْ عَمَارِصْ²³ وَشَا عَمَارِصْ أذْ دَايِمْ ثَارِيغْ طَيَانْ ذِ زَفْنَارِثْ وَزَا ذِ زَحْسَنْ وَوَسْرِي ذِ نَسِيرِثْ وَارِثْ أَوَاسَرْ عَاذْ دَايِمْ. إِسْبَابِنْ نَمْ ثُوغَا-ثَنْ ذِ إِمْقَرَانِنْ نْ ثَمُورِثْ، مِينِرِي سْ نُسْحَارِثْ نَمْ، آقَا تَوَاخِذَنْ زَكْنُوسْ مَارَا. ²⁴ آقَا إِتَوَافْ دَايِمْ إِذَامَنْ نْ إِمْكَاشَفَنْ ذِ إِمْقَدَاسَنْ ذِ مَارَا إِنِّي إِيْوَاغَارِصَنْ ذِي ثَمُورِثْ.“

هَالِيلُوبَا!

19 ¹ أَوَارِنِي اسْ سَرِيغْ إِجْ نْ زَحْسَنْ نْ وَاطَّاسْ نْ زَغَاشِي ذِكْ وَجَبْنَا، قَارَنْ ”هَالِيلُوبَا، أَسْنَجَمْ ذِ زُغُودْجِي ذِ شَانْ ذِ جَهْدْ آقَا-ثَنْ غَارِ سِيذِي أَرَبِّي نَغْ. ² مِينِرِي نَتَا إِحْكَمْ سْ نِيذْتْ ذِ زَحَقْ وَوَمِي إِحَاسَبْ خْ زَقَبْجَا نَزُورِوَارِثْ، نَتِّي ثُوغَا نَسْخَمْجْ دُوتِيثْ سْ ثُوْقَحْبِيثْ نَسْ وَشَا نَتَا يُوغَا ثَا سَغَارِثْ خْ إِذَامَنْ نْ إِسْمَغَانْ نَسْ يُوْمَسَنْ غَارِ إِفَاسَنْ نَسْ (= زَقَبْجَا).“ ³ وَشَا نَانْ إِي وَوَمُورِ وَيَسْ نَتَايَنْ ”هَالِيلُوبَا! دَخَانْ نَسْ أذِ يَارِي غَارِ وَجَبْنَا إِي زَبْدَا.“ ⁴ وَشَا أَرْبَعَا وَعَشْرِيْنْ نْ إِمْعَارَنْ ذِ أَرْبَعَا نْ إِمْدَارَنْ وَضَانَ غَارِ ثَمُورِثْ، عَبْدَنْ أَرَبِّي وَنِي إِقِيمَنْ خْ زَعَارِشْ، قَارَنْ ”أَمِينْ، هَالِيلُوبَا!“ وَشَا ثُوْسِي-دِ إِشْتْ نْ ثَمِيجَا زِي زَعَارِشْ، ثَقَارِ ”سَمْعَارْمِ أَرَبِّي نَغْ، أْ كَنْبُو إِسْمَغَانْ نَسْ ذِ كَنْبُو إِنِّي ثْ إِتْكَوْذَنْ، أَمْرِيَانْ أَمْقَرَانْ سْ نَتَايَنْ!“ ⁶ وَشَا سَرِيغْ أَمَشْنَاوْ ثَمِيجَا نْ وَبَارُونْ زَغَاشِي، أَمَشْنَاوْ زَحْسَنْ نْ وَاطَّاسْ نْ وَامَانْ، أَمَشْنَاوْ زَهِيرَنْ نْ وَاجْجَا، قَارَنْ ”هَالِيلُوبَا!“، مِينِرِي سِيذِي أَرَبِّي أَمْرَمَارِ خْ مَارَا مِينْ إِدْجَانْ، آقَا إِحْكَمْ أَمْ وَجْدْجِيذْ. ⁷ أذْ نَفَارِجْ، أذْ نَسْرِيوْرِيوْ، أذْ اسْ نَكْ أَعُودْجِي، آقَا وَرَارَنْ نْ إِزْمَارِ يِيوْصْ-دِ وَشَا ثَا سَرِيثْ نَسْ آقَا ثَحْرَمْ وَشَا ثَمُوشْ اسْ أذِ ثِيَارِضْ أَرُوضْ زِي زَقَطَانَ إِفْسُوسَنْ إِتِيَسِّيَقَنْ إِزْدِيكَنْ، مِينِرِي زَقَطَانَ إِفْسُوسَنْ نِي نَتَا ذِ زَخْدَايِمْ إِسْكَدَنْ نْ إِمْقَدَاسَنْ.“ ⁹ إِنَّا أَيْبِي ”أَرِي سَعْدَنْ نْ إِنِّي إِيْوَاغَارِضَنْ غَارِ وَرَارَنْ نْ إِزْمَارْ“. وَشَا إِنَّا أَيْبِي ”إِنَّا ذِ أَوَازَنْ نْ نِيذْتْ نْ أَرَبِّي.“ ¹⁰ وَشَا وَضِيغْ اسْ غَارِ إِضَارَنْ نَسْ جِيْمَا أذْ ثْ عَبْدْغْ. وَشَا نَتَا إِنَّا أَيْبِي ”حُضَاثْ، وَارِثْ تَكْ شَا مَانْ أَيَا، آقَا نَشْ ذِ أَمْسَخَارْ أَمْ شَكْ ذِ أَيْشَمَاشْ إِنِّي غَارِ ثَدْجَا شَهَادَتْ نْ يَشُوْ. عَبْدَتْ أَرَبِّي مِينِرِي شَهَادَتْ نْ يَشُوْ نَتَاثْ ذِ أَرُوحْ نْ وَوَاوَزَنْ نْ أَرَبِّي.“

أَمْنَاي س وَبِيس ذَ اشْمَزَارَ

¹¹ وُشَا زَرِيغَ أَجْنَا ائورزم، أَقَا ذِينِ إِج ن وَبِيس ذَ اشْمَزَارَ ذ وَتِي خَاسِ اِنْبِينِ، قَارَن اس
 'أَصْدِيقِ ذ نِيدَت'، أَذِ إِحَاسِبِ وُشَا أَذِ اِمْنَعِ س نَسْكَذَا. ¹² تُوغَا تَيْطَاوِينِ نَسْ اَمَشْنَاوِ
 إِخُوذَاقِ نِ ثَمْسِي، غَارَسِ خِ وَرْدِجِيغِ نَسْ أَطَاسِ نِ ثَمْرِيَسِينِ، اِتَوَارِيِ خَاسَنِ اِسْمَاوِنِ
 وُشَا اِتَوَارِيِ خَاسِ اِسْمِ وَاَرِثِ اِسْتِينِ حِدِ مَغِيرِ نَتَا وَاها. ¹³ أَقَا يَارِضِ اِجِ نِ وَاَرُوضِ
 اِتَوَاَسْغَضَصَنِ ذَكِّ اِذَامَنِ، قَارَنِ اس 'اَوَازِ نِ اَرْتِي'. ¹⁴ وُشَا زَعْسَكَارِ اِ اِذْجَانِ ذَكِّ
 وَجْنَا اِضْفَارِ اِث-يَدِ خِ اِيسَانِ اِشْمَزَانِ، تُوغَا اَرِضَنِ زَقَطَانِ اِفْسُوَسَنِ ذَ اشْمَزَارِ اِزْدِيكِّ.
¹⁵ اِفْع-دِ زَكِّ وَقَمُومِ نَسِ اِجِ نِ سَيْفِ اِقْضَعِ، أَذِ زَايسِ اِوْثِ زَكْنُوسِ. أَذِ ثَنِ اِحْضَا سِ
 وَرْدِجَاضِ نِ وُزَارِ، أَذِ ثَنِ اِرْبِزِ اَمِ وَضِييَرِ ذِي ثَسِيرِثِ نِ ثَفْقَاحِثِ نِ لَغَاضَابِ نِ اَرْتِي
 اَمْرَمَارِ خِ مَارَا مِينِ اِذْجَانِ. ¹⁶ خِ وَاَرُوضِ نَسِ وَخِ ثَمْصَاطِ نَسِ اِتَوَارِيِ خَاسَنِ اِجِ نِ
 اِسْمِ 'اِجْدَجِيذِ نِ اِجْدَجِيذِ نِ، سِيذِي نِ اِسِيذِيثِ'. ¹⁷ وُشَا زَرِيغِ اِجِ نِ لِمَالَاكِ اِبْدِ ذِي
 نَفُوشِثِ. نَتَا اِزَاغَا سِ جَهْدِ، اِقَارِ اِ مَارَا اِجْضَاضِ اِطَاوِنِ ذِي زَوَسْطِ نِ وَجْنَا "اَسْتِيو-دِ،
 مُونْتِيو-دِ غَارِ وَنَسِي اَمْقَرَانِ نِ اَرْتِي، ¹⁸ جِيْمَا أَذِ ثَشْمِ اَيْسُومِ نِ اِجْدَجِيذِ نِ وَبِيسُومِ نِ
 اِمْقَرَانِ اِنِّي ذِ اِكُومَانَذَارِنِ خِ وَاَزِفِ نِ اِعْسَكَارِييِنِ ذِ وَبِيسُومِ نِ يَتِي اِجَهْدِ نِ ذِ وَبِيسُومِ
 نِ اِيسَانِ ذِ يَنِي خَاسَنِ اِنْبِينِ ذِ وَبِيسُومِ نِ قَاعِ وَيِ اِذْجَانِ، نِ اِحُورِييِنِ ذِ اِسْمَغَانِ وُزَا نِ
 اِمْرِيَانِ ذِ اِمْقَرَانِ". ¹⁹ وُشَا زَرِيغِ زَوْحَشِ اَكْ-ذِ اِجْدَجِيذِ نِ ثَمُورِثِ ذِ زَعْسَكَارِ نَسَنِ
 مُونِ، جِيْمَا أَذِ مَنَعِنِ اَكْ-ذِ وَتِي اِنْبِينِ خِ وَبِيسِ وُشَا اَكْ-ذِ زَعْسَكَارِ نَسِ. ²⁰ أَقَا اِتَوَاَطَفِ
 زَوْحَشِ اَكْ-ذِ اَمْكَاشَاغِ اَعْشَاشِ وَتِي اِكْتِينِ زَاثَسِ زَعْرَامَاثِ نِي اِ زِي تُوغَا اِعْمَشِ اِنِّي
 اِكْبِينِ ثِيكْسِثِ نِ زَوْحَشِ وُشَا سَجْدِنِ اِ رَحِيَازِ نَسِ. نِيئِينِي سِ ثَنَايِنِ اِذْسَنِ تَوَاْمَنْضَارِنِ
 ذَكِّ وَبِيسُومِ نِ ثَمْسِي اِتَشْفُوشُونِ سِ زَشْبَارِيْثِ. ²¹ وَيِ اِقِيْمِنِ تَوَانَعِنِ سِ وُزَارِ اِ ذِ اِكْتِينِ
 زَكِّ وَقَمُومِ نِ وَتِي اِنْبِينِ خِ وَبِيسِ وُشَا مَارَا اِجْضَاضِ جَبُونِ سِ وَبِيسُومِ نَسَنِ.

ثَاكَلْدِيْثِ نِ اَرَفِ اِسْكَوْسَا

20 وُشَا زَرِيغِ اِجِ نِ لِمَالَاكِ اِهْوَا-دِ زَكِّ وَجْنَا غَارَسِ ثَاسَاوْثِ نِ ثَسْرَاثِ اِ
 اِذْجَانِ سَاذُو ثَمُورِثِ وُشَا ذَكِّ وَفُوسِ نَسِ ذَايسِ اِشْثِ نِ سَنَسَرِثِ ثَاْمَقْرَانِثِ.
² نَتَا اِطَفِ زَهَائِشِثِ، اَفِيغَارِ اَوَسَارِ، وَتِي اِذْجَا ذِ اِرْبِيَسِ ذِ شَيْطَانِ وُشَا اِشَارِفِ اِثِ اَرَفِ
 نِ اِسْكَوْسَا وُشَا اِنْضَارِ اِثِ ذِي ثَسْرَاثِثِ سَاذُو ثَمُورِثِ، اِبْلَعِ خَاسِ وُشَا اِكَا خَاسِ
 اَشْمِيْعِ، جِيْمَا وَاَرِ اِنْعَشِيْثِ عَاذِ زَكْنُوسِ، اَزِ اِ غَا يَعْلُوْ اَرَفِ نِ اِسْكَوْسَا. حَنِي اِتْخَصِ
 أَذِ اسِ يَارْحُونِ غَارِ شَوَايْثِ نِ زَوْقِثِ. ⁴ وُشَا زَرِيغِ زَكَرَايسِي نِ زَعَارِشِ ذِ يَنِي خَاسَنِ

إِقِيمَنَّ وُشَا إِمُوشَ أَسَنَ رَحُوكِم . أَقَا زَّرِيغَ زَعْمُورَ نَ يَبِّي وَمِي كَسَنَ إِزْدَجِيغَنَ نَسَنَ ذِي طُوعَ نَ شَهَادَتَ نَ يَشُو ذَ وَاوَاژَ نَ أَرَبِّي ، إِنِّي وَارَ سَجَدَنَ إِ زَوْحَشَ وُزَا إِ رَحِيَاژَ ، إِنِّي وَارَ غَارَ إِدَجِي بُو نِيكَسَتَ خَ ثِنِيَارَتَ نَسَنَ وُزَا ذَكَّ وَفُوسَ نَسَنَ . نِيئِي ذَوَزَنَ عَاوَدَ أَذَ دَارَنَ ، أَذَ حَكْمَنَ أَكْ-ذَ لَمَسِيحَ أَزَفَ نَ إِسَكُوسَا .⁵ مِيَنَ إِقِيمَنَّ ذَ إِمْتِينَنَ نِيئِي وَارَ ذَ ذَوِيژَنَ شَا غَارَ نُودَارَتَ أَرُ ذَ نَعْدُو أَزَفَ نَ إِسَكُوسَا . ذَا ذَا ثَانُوكِرَا ثَامَزُورُوثَ .⁶ سَعَدَ نَ وَنِّي إِ دَ غَا إِكَارَنَ ذِي ثُنُوكِرَا ثَامَزُورُوثَ ، أَذَ يَبِيزِي ذَ أَمَقَدَّاسَ . زَمُوثَ وَيَسَّ ثَنَانِنَ وَارَ خَاسَنَ إِزَمَارَ ، مَاشَا نِيئِي أَذَ إِزِينَ ذَ إِكَهَانَنَ نَ أَرَبِّي وَ نَ لَمَسِيحَ وُشَا أَذَ كِيَسَ حَكْمَنَ أَزَفَ نَ إِسَكُوسَا .

رَحُوكِمَ خَ شَيْطَانَ أَمَقْرَانَ

⁷ خَمِي إِ غَا إِقَفَزَ أَزَفَ نَ إِسَكُوسَا ، أَذَ إِتَوَاضِقَ شَيْطَانَ زِي رَحْبَسَ نَسَّ وُشَا أَذَ دَ إِفَعَّ جِيَمَا أَذَ إِعْمَشَ رَكْنُوسَ إِنِّي إِدَجَانَ غَارَ أَرْبَعَا نَ نَعْمُورَا نَ ذُوثِيثَ ، خُوحَ ذَ مَآخُوحَ ، أَذَ ثَنَ إِسْمُونَ إِ وَنَعْمِي وَ زَقَدَ نَسَنَ أَمَ إِجْدِي نَ زَبْحَارَ .⁹ حَارَشَنَ-دَ زِي طَارَفَ نَ ثَمُورَتَ وُشَا نَعْنَنَ إِسَ إِزَمَارَجَحَ نَ زَعْسَكَارَنَ إِمَقَدَّاسَنَ ذَ ثَنِيذِيثَ إِعِيژَنَ خَ أَرَبِّي وُشَا ثُوضَا-دَ ثَمَسِّي نَ أَرَبِّي زَكَّ وَجَنَّا وُشَا ثَشَّ إِثَنَ .¹⁰ وُشَا إِزْبِيَسَ ، وَنِّي ثُوغَا إِ ثَنَ إِغَوَانَ ، أَقَا إِمَنْضَارَ ذَكَّ وُيرَمَامَ نَ ثَمَسِّي إِتَشْفُشُوفَنَ سَ زَشْبَارِيثَ مَآنِي إِدَجَا زَوْحَشَ ذَ وَ مَكَشَافَ إِسَخَارِيَقَنَ وُشَا أَذَ تَوَاعَدَبَنَ أَسَّ ذَ دَجِيژَتَ إِ زَبْدَا قَاعَ .

رَحُوكِمَ خَ إِمْتِينِنَ

¹¹ وُشَا زَّرِيغَ إِجَ نَ زَعَارَشَ ذَ أَمَقْرَانَ ذَ أَشْمَزَاژَ ذَ وَنِّي خَاسَ إِقِيمَنَّ زَكَّ وَغَمُوبَ نَسَّ إِ غَا يَارُوزَنَ ثَمُورَتَ ذَ وَجَنَّا وُشَا وَارَ دَ إِسَنَ إِقِيمَ بُو وَمَشَانَ .¹² نَشَ زَّرِيغَ إِمْتِينِنَ بَدَنَ زَاثَ إِ زَعَارَشَ ، إِمَقْرَانَ ذَ إِمْتِيَانِنَ . أَقَا ثُورَزَمَنَ إِذْلِيَسَنَ وُشَا إِتُورَزَمَ وَذْلِيَسَ نَعْنِي وَنِّي نَ نُودَارَتَ . وُشَا إِتَوَاحَكَمَ خَ إِمْتِينِنَ خَ رَحْسَابَ نَ رَحْدَايَمَ نَسَنَ زِي مِيَنَ ثُوغَا إِتَوَارِي ذَكَّ إِذْلِيَسَنَ .¹³ وُشَا زَبْحَارَ إِوَشَا إِمْتِينِنَ إِنِّي ثُوغَا-ثَنَ ذَايَسَ وُشَا زَمُوثَ ذَ زَاخَارَتَ وَشِيِنَتَ إِمْتِينِنَ إِنِّي ثُوغَا-ثَنَ ذَايَسَنَتَ وُشَا إِتَوَاحَكَمَ خَاسَنَ ، كُورَ إِجَنَ أَنَشَتَ نَ رَحْدَايَمَ نَسَّ .¹⁴ أَقَا زَمُوثَ ذَ زَاخَارَتَ مَنْضَارَتَ ذَكَّ وُيرَمَامَ نَ ثَمَسِّي . ثَا ذَ زَمُوثَ وَيَسَّ ثَنَانِنَ : أَيْرَمَامَ نَ ثَمَسِّي .¹⁵ مَاژَا إِتَوَافَ حَدَ وَارَ إِتَوَارِي شَا ذَكَّ وَذْلِيَسَ نَ نُودَارَتَ ، أَذَ إِمَنْضَارَ ذَكَّ وَيرَمَامَ نَ ثَمَسِّي .

وَرشالیم ن جَدید

21 اوشا ژریغ إچ ن وُجنا ن جَدید د إچ ن ثمورث ن جَدید. اَجنا امزوارو د ثمورث تامزواروٹ ثوغا عدون، زبِحار وار اَقیم عاذ. 2نش ژریغ ثانذینت اقدسن، ورسالیم ن جَدید تھواد- زک وُجنا زي اَرَبی، ثکا امشناو ثاسریت ثرهج إ وسري. 3اوشا سزیرغ اِشث ن ثمیجنا نتراعا-د زي زعارش س جَهْد ”خُثارت، نازدِیغ ن اَرَبی اَقات-ت جار اِودان وُشا ننا اَد غارسن اِزذغ، نیثنی اَذ اِزین د اِیدود نس وُشا اَرَبی سیمانت نس اَد غارسن یزیري د اَرَبی نسن. 4اذا سن اِسیترغ کوز اِمطاً زي یطاولین نسن وُشا زموٹ وار ثییزیري عاذ وُرا د اَشضان د ثغوئیت د زحریق، مینزیري ثیمسزایین ثیمسزورا اَقا عدونت.“ 5د وني اَقیمن خ زعارش، اِنّا ”خُثارت، اَذ کُغ مارا د جَدید!“ وُشا اِنّا اَیبي ”اَرَبی، مینزیري اوازن-ا د اِصْدیقن د نیدت زي اَرَبی.“ 6ننا اِنّا اَیبي ”اَقا اِتواکمز. نش د اَلفا د وُمکا، نش د امزوارو د اَنکارو. وني اِفودن اذ اس وُشغ اذ اِشو باطر زي نازا ن وامان ن ثودارت. 7وي اِغا اِغلبن اذ اِوارث مان اَیا وُشا نش اذ اِیرِغ د اَرَبی اِنّا وُ ننا اذ یزیري د مَی. 8ماشا اِمکوادن د یَی وار یومینن د اِمذنب د اِمعیینن ن بنادم د اِقتارن د یَی اِقحبن د یَی اِکبن ثاسحارت د یَی اِعبدن لاصنام د مارا اَیث بو-یخاریقن، اذ ثییزیري ثاسغارت نسن د کُ ویرمام اِثشفشوفن س ثمسی د زشباریث. 9ثا د زموٹ وِس ثناین.“ 9وُشا یوسی-د اِحَی زي سبعا ن لمالاکاث، یَی اِکسین سبعا ن طواویات شورت س سبعا ن جرایح ثینکورا وُشا اِنّا اَیبي ”اَس-د، اذ اش سَشغ ثاسریت، ثامغارت ن اِزمار.“ 10انده اَیبي ذی اَرُوح غار اِچ ن وذرار د اَمقران یوعزان اَطاس وُشا اِسشن اَیبي ثانذینت اقدسن، ورسالیم، تھواد-د زک وُجنا زي غار اَرَبی 11وُشا غارس اَعودجی ن اَرَبی. 12اَقووار طیا نس ثیسیق امشناو اَرزو اِغوان، اَم وَرزو ن یاسییس اِصفان اَم ’کریستال‘. 12اَقووار اس اِچ ن وغبار د اَمقران یوعزان، غارس ثعاش ن ثوورا وُشا ثعاش ن لمالاکاث عسنت غار ثیوورا-یا، اِتواری خاسنت اِسماون وُ نیثنی د اِسماون ن ثعاش ن ثقباز ن اَیث ن اِسرائیل. 13ثانذینت غارس نرانا ن ثوورا غار مانیس د ثنقار ثفوشث وُشا غار شامال غارس نرانا ن ثوورا وُشا غار لجانوب غارس نرانا ن ثوورا وُشا غارس نرانا ن ثوورا غار مانی ثغدجی ثفوشث. 14اَغبار ن ثذینت اِبدخ ثعاش ن ذسوسا اِتواری خاسن اِسماون ن ثعاش ن اِمازانن ن اِزمار. 15د وني ثوغا اَکیذی اِساواز غارس اِچ ن زعبار اَم وُغانیم، حیما اذ اِعبار ثانذینت د ثوورا نس د اِغبراون نس. 16ثانذینت ثوغا غارس اَربعا ن ثعمار وُ نازوکارث نس اَم ثیزو نس. وُشا ننا اِعبار ثانذینت س زَمیثرو نس ن وُغانیم. نازوکارث د ثیزو د زوعزا نس د اِشثن، ثعاش اَران ن ’اِستادینن‘ (=عزاحاز

أزفاین و میثاین کیلومیتر).¹⁷ وُشا إغبار اُغبار نَس: میا وُ اُربعا ذ اُربیعین ن إغادچن (=عزاحاز سبعین میثرو)، نتا زَقَد ن إج ن بُنادم، اُقا-ث ن إج ن لمالاک.¹⁸ اُغبار نَس کُئین ث س یاسیبس وُشا تاندینت تُوغا زک زُوغ إقورن اُخمی س زاج إقورن.¹⁹ ذساس ن وُغبار ن تاندینت تُوغا اِنوازوق کوزشی س اِترا إغزان. تُوغا ذساس اُمزوارون و وُزرو ن یاسیبس، وُتی ذ وِیس تَناین ن سافیر، وُتی ذ وِیس تَوانا ن خالشیدون، وُتی ذ وِیس اُربعا ن سَمیرالدا،²⁰ وُتی ذ وِیس خَمسان ساردُونیکس، وُتی ذ وِیس سَتان ساردُیوس، وُتی ذ وِیس سبعا ن کرِیسولیت، وُتی ذ وِیس ثمنیا ن بیریل، وُتی ذ وِیس تسعا ن تُوباس، وُتی ذ وِیس عشار ن کرِیسوبراس، وُتی ذ وِیس جیدعاش ن یازینت وُشا وُتی ذ وِیس ثعاش ن وُمیسیث.²¹ ثعاش ن تُوورا اُقا-ثنت ذ ثعاش ن ثیاقوئین، وُشا کوز اِشَن زِی تُوورا نَی تُوغا زک اِشَن ن ثیاقوُث. اُبرید ن تاندینت تُوغا-ث ن وُوغ اِصفان اُم زاج یارقن.²² وار ژریغ شا تادارث اِقدَسَن ذایس ذِی تاندینت نَی مینزِی سِیدِی اُربَی، اُمزمار خ مارا مین اِدچان، نتا سیمانَت نَس ذ تادارث اِقدَسَن نَس وُزا ذ اِزمار.²³ تاندینت وار ثحذاج شا نُفوش وُزا ذ تازیرِی جیما اُد خاس سارغنت، مینزِی اُعودجِی ن اُربَی یارق ذایس وُشا اِزمار نتا ذ زَفنار نَس.²⁴ وُشا زَکَنوس اِنِی اِتواسنجمن اُد وُیورن س ثفاوُث نَس وُشا اِجدجِیدن ن ثمورث اُد سِیوضن اُعودجِی ذ شان نَسَن غارس.²⁵ ییوورا نَس وار تواقنَت عمارص س وُزیز، مینزِی دَجیرِث وار ثعِیجِی شا ذین.²⁶ اذ اُوبین غارس اُعودجِی ذ شان ن زَکَنوس ماخذ اُد زمارن اُد اذفن.²⁷ عمارص اذ ذایس تاذف شان زحاجت تامنکُوسث نیغ وُتی اِکِین تَعاوُث نیغ وُتی اِسَخاریقن، ماشا اِنِی اِتوارین ذک وُذلیس ن تُودارث ن اِزمار واهما.

إغزار ن تُودارث

22 وُشا نتا اِسثن اِیبِی اِج ن اِغزار ن وامن ن تُودارث یارقن اُم کرِیسثال اِتفَعَن زِی زَعارش ن اُربَی ذ اِزمار.² ذِی زوسَط ن وِریذ نَس وُشا خ ثما ن یغزار تُوغا ثاشجارت ن تُودارث ثنی سَنسضای زَغیدچت ثعاش ن تَوازِوین ذک وُسکُواس، اُد ثوش زَغیدچت نَس کوز اُیور. ثیفرای ن ثشجارت اذ سَکَنفان زایسنت زَکَنوس.³ وار ذایس اِتیرِی عاذ مین اِنعُرن. زَعارش ن اُربَی ذ اِزمار اذ ییزِی ذایس وُشا اِسْمغان نَس اذ خاس سَخارن.⁴ نیشنی اذ تارن وُدم نَس، اِسْم نَس اذ ییزِی خ ثیارین نَسَن.⁵ وار ذین تیزِی عاذ دَجیرِث وُشا نیشنی وار حذیجن عاذ طیان ن زَفنار نیغ ثیفاوُث ن نُفوش، مینزِی سِیدِی اُربَی اذ اسن اِکِ ثیفاوُث وُشا اذ اِزین ذ اِجدجِیدن اِزبدا

قاع. ⁶ وُشا نَتَّا إِنَّا أَيِّي ”أوازن-ا ذِ إِصْدِيقِن ذِ ثِيدَت وُشا سِيذِي أَرَبِّي نِ أَرُوْحَاتِ نِ
إِمْكَاشافِن أَقَا إِسْكَ لِمَالاكِ نَسْ جِيما اذِ إِسْشِن إِسْمَعانِ نَسْ مِيِنِ إِغَا إِمَسارِنِ دَعْيا.

لَمَسِيحِ اذِ دِ يَاسِ دَعْيا!

⁷ خَوْرار، نَشِ اذِ دِ اسغِ دَعْيا. سَعَدِ نِ وَنْيِ اِطْفَنِ ذَكِّ وَاوازِنِ نِ اَرَبِّي زَكِّ وَذِليْسِ-ا. “
⁸ نَشِ، يُوْحانَّا، أَقَا سَرِيغِ تِ، زَرِيغِ تِ. وُشا اَزَمِي تِ سَرِيغِ وُشا زَرِيغِ تِ، وَضِيغِ
غارِ اِضارِنِ نِ لِمَالاكِ وَنْيِ ذِ اِي تِ إِسْشِن. ⁹ إِنَّا أَيِّي ”حُصا، وارِ تَكِّ مانِ أَيَّا! نَشِ
ذِ إِسْمَعِ اَمِ شَكِ ذِ اَيْشَماشِ ذِ اِمْكَاشافِنِ ذِ بِي اِطْفَنِ ذَكِّ وَاوازِنِ نِ وَذِليْسِ-ا. اَعْدَتِ
أَرَبِّي! “¹⁰ إِنَّا أَيِّي ”وارِ تَكِّ اَشْمِيعِ خِ وَاوازِنِ نِ اَرَبِّي زَكِّ وَذِليْسِ-ا، مِيَنِرِي زَوْقَتِ أَقَا
ثِيوِضِ-د. ¹¹ وَنْيِ اِتَكْنِ مِيِنِ وارِ اِسْكَذِنِ، اذِ اِكِّ مِيِنِ وارِ اِسْكَذِنِ كَنارِ، اَمْنَكُوسِ اذِ اِذَوْرِ
ذِ اَمْنَكُوسِ كَنارِ، اَمْسْكَاَذِ اذِ اِكِّ ناسْكَذِنا كَنارِ وُشا اَمَقْداسِ اذِ اِذَوْرِ ذِ اَمَقْداسِ كَنارِ.
¹² خَوْرار، نَشِ اذِ دِ اسغِ دَعْيا وُشا زَمُونَتِ اِنُو اَكِيذِي جِيما اذِ خَدَجِصِغِ كُوْرِ اِجِنِ اَنْشَتِ
نِ زَخْدَمَتِ نَسْ. ¹³ نَشِ ذِ اَلْفا ذِ وُمَكَّا، ذِ اَمزِوارِو ذِ اَنْكَارِو، ذِ اَبْدِو ذِ قَطِو. ¹⁴ سَعَدِ نِ
إِنِّي اِتَكْنِ ثِيوِصًا نَسْ جِيما اذِ غارِسِنِ ثِيَزِي ثِيَزِمَارِ ذِي شِشْجَارَتِ نِ ثُوْدارَتِ وُشا اذِ اَذْفِنِ
غارِ ثَنْدِيَنَتِ زِي ثُوورا نَسْ. ¹⁵ بارًّا اِدْچانِ بِيطانِ ذِ بِيئِي اِتْسَحارِنِ ذِ بِيئِي اِتَكْنِ ثُوَقْهِبِثِ
ذِ بِيئِي اِنْقَنِ ذِ بِيئِي اِعْبَدِنِ لاصنامِ ذِ مارًّا اِنِّي اِتْحَسِنِ اِخارِيقِنِ ذِ بِيئِي اِخْدَعِنِ. ¹⁶ نَشِ ذِ
يَشُو، أَقَا سَكْغِ لِمَالاكِ اِنُو ماحنْدِ اذِ اومِ اِشْهَدِ مانِ أَيَّا زَاثِ اِثْمَسْمُونِيِنِ. نَشِ ذِ اَرِوارِ
ذِ زارِيعَتِ نِ داوْدِ ذِ اِثْرِي يارِقِنِ غارِ زَفْجارِ. “¹⁷ ماشا اَرُوْحِ ذِ تَسْرِيْثِ قَارِنِ ”أَس-د!“
ذِ وَنْيِ تِ اِسْرِيِنِ اذِ اِنِّي ”أَس-د!“ ذِ وَنْيِ اِفُوذِنِ، اَجِّ اِثِ اذِ دِ يَاسِ، ذِ وَنْيِ اِحْسِنِ،
اَجِّ اِثِ اذِ اِسْوَ اَمانِ نِ ثُوْدارَتِ باطِرِ. “¹⁸ نَشِ شَهْدِغِ اِ مارًّا اِنِّي اِتْسَرانِ اَوازِنِ نِ اَرَبِّي
زَكِّ وَذِليْسِ-ا، مازا ذِيِنِ حدِ وَنْيِ خاسِنِ إِغَا يارِنِيِنِ خِ وَاوازِنِ-ا، اَرَبِّي اذِ خاسِ اِغْضِرِ
جَرايِحِ بِيئِي اِتْوارِيِنِ ذَكِّ وَذِليْسِ-ا. ¹⁹ مازا شانا اِجِنِ اذِ اِكْسِ زَكِّ وَاوازِنِ نِ اَرَبِّي زَكِّ
وَذِليْسِ-ا، اذِ اسِ اِكْسِ اَرَبِّي ثاسْغارَتِ نَسْ زِي شِشْجَارَتِ نِ ثُوْدارَتِ وُ زِي ثَنْدِيَنَتِ
اِقْدَسِنِ وُ زِي مِيِنِ اِتْوارِيِ ذَكِّ وَذِليْسِ-ا. ²⁰ وَنْيِ اِشْهَدِنِ خِ مانِ أَيَّا، اِقَارِ ”واه، نَشِ اذِ
دِ اسغِ دَعْيا!“ ”أَمِيِنِ! أَس-د، اَ سِيذِي يَشُو!“ ²¹ تِيَعْمَتِ نِ سِيذِي يَشُو لَمَسِيحِ اذِ ثِيَزِي
اَك-ذِ مارًّا اِمَقْداسِنِ. اَمِيِنِ!